

賈昶白先生敬業堂詩集

選四易全

三

敬業堂詩選序

浙西詩學朱竹垞氏以瀟博之才發為歌詩出入唐宋

不名一家初白翁稍後出與諸名士角逐足迹幾徧天

下以山川佐其雄思黔楚從軍匡廬攬勝鏤肝鍊腎自

鑄偉詞直欲傲睨一世生平所作浸淫者山以仰闕昌


黎五十以後磨礪圭角時得樂天放翁意趣此其大較

也嘗慨世之作者習無性靈徒以流連光景為事月露

風雲描頭畫眉言外無事篇內無人甲乙可移我詩安

在先生則長篇短韻悉從肺腑流出一掃模糊影響之

習既無不可達之意亦無不能盡之言惟古詩或澹澀



有餘推宕未足後來承學者不失之平直則失之繁瑣
而初白翁之真性情真面目要不在此也集中詩多至
四千三百餘首茲擇其謹嚴淳蓄者三百八十餘篇截
為四卷雖少異竹垞之渾成然較諸樊榭董浦諸君則
侷乎遠矣嘉慶十四年己巳秋七月與稽齋書

敬業堂詩集卷之一



海寧查慎行悔餘著

長洲吳翌鳳枚菴選

留別仲弟德尹

雞聲驚起對牀眠。說著江關復黯然。與爾未曾經遠別。
得歸難定是何年。渡江風物悲元亮。懷土人情感仲宣。
瓦屋三間門兩版。頻煩為我掃東偏。

京口和韜荒兄

江樹江雲睥睨斜。戍樓吹角又吹茄。舳舻轉粟三千里。
燈火沿流一萬家。北府山川餘霸氣。南徐風土雜鷲沙。

傷心蔓艸斜陽岸。獨對遙天數落雅。

贈胡星卿先生胡之先東川侯海其子觀尚南

康公主

榮戟侯門奕葉光。可能無意感滄桑。艸廬望重名賢宅。
竹苑年深貴主莊。滿地秋瓜仍爛漫。渡江春燕只尋常。
白頭一老鍾山下。筋力猶看八十彊。

題王璞菴南北遊詩卷

我初未見聞君名。十年懷抱一夕傾。眼中指顧空豪英。
乃欲以詩鳴不平。蓬蓽時作蒼茫行。江南江北無期程。
流離滿前皆孩嬰。道傍見之淚縱橫。爾生其間一蒼生。

補救敢與乾坤爭。俛今仰古氣孰櫻。長歌倚劍頃刻成。
東將入海手掣鱸。嘲弄花月非人情。余從涉江來舊京。
足所遊歷手勿停。君詩直壓小謝城。如以六國當秦兵。
聳肩洛誦作大聲。煌煌高燭燒長檠。須臾街鼓報五更。
紅日欲吐東方明。

登金陵報恩寺塔二十四韻

不盡興亡恨。浮圖試一登。孤高真得勢。陡起絕無憑。法
轉風輪破。光搖火樹燈。地維標寶刹。天闕界金繩。碧落
開千里。丹梯轉百層。規模佗日壯。感慨至今仍。禍自歸
藩啟。兵從靖。難稱比戈殘。骨肉問罪假。疑承袞冕。俄行

遜戎衣。遂謁陵朝家。同再造。國事異中興。此舉無名極。
當時負媿曾。兩京雄岳峙。一塔鎮孤棱。銖兩材俱稱。纖
豪辨欲矜。琉璃紛紺碧。闌楯落鮮激。事本誇餘力。基猶
念丕承。監宮畱太子。給俸濫千僧。原廟衣冠冷。豐宮獻
卜增。侈心崇梵竺。神道託高曾。世徒疑經劫。人來乍得
朋。同登者
六人雲煙爭變幻。日月幾升恆。絕頂盤旋上。虛窗
俯仄凭。近身棲怖鷄。側背躡飛鵬。勝境才何有。高歌氣
或騰。鍾山青入望。相對故峻增。

曉發梁山

一。鈎。殘。月。吐。仍。銜。薄。霧。濛。濛。著。布。颿。行。過。天。門。天。未。曉。

風。來。東。北。路。西。南。

蕪湖關

昨日出龍江。今晨抵蕪湖。順風滿颿幅。過關快須臾。關
吏青報稅。截江大聲呼。舟子不敢前。換柁轉轆轤。余笑
謂關吏。奇貨我則無。聯吟三寸管。壓浪百卷書。船頭兩
中箱。船尾一酒壺。此外更何物。隨身長須奴。吏前不我
信。倒篋傾筐。蘆葉捐無一。可相顧。仍昨盱。買酒例索錢。
回身若責逋。有貨官盡征。無貨吏橫誅。有無兩不免。何
以慰長塗。

雨後渡攔江磯

片雨南來壓短篷。回看天北吐長虹。風纔過處雲頭黑。
霧忽消時日脚紅。遠岸浮沈沙柳外。危磯出沒浪花中。
扁舟一葉無根蒂。笑擲吾生付柁工。

皖口

八卦依然列女牆。一城斗大畫荆揚。雨濃隔浦吳山盡。
風澹空江楚水長。官渡無人還繫艇。客程有樹但垂楊。
曾經百戰東南定。鼓角殘兵又夕陽。

殘兵鼓角夕陽中。明初高季迪題安

慶城樓詩語也

蘄州道中

設險憑全楚。江防此地遷。千家猶帶郭。獨客偶停船。天

闊星如墜。江空月最先。時危憂盜賊。慘澹話當年。

漢陽晴川閣

已失當年鸚鵡洲。晴川高閣劫灰留。苦嫌過客多題壁。
卻笑神仙盡好樓。閣傍新勅方士書院粉堵日斜浮。鄂渚蒲颿風
急下黃州。山根一線分江漢。不遣清流溷濁流。

漢川道中紀所見

沙岸百尺高水落。岸容槁火雲蒸久。旱旭日秋杲杲。田
家後雞鳴趁伴起。最早放閒惜牛力。飽食眠秋艸。不念
婦子疲提攜。及縱祿桔槔。遠灌田。俛仰困機巧。單衣汗
霑背。滿面塵不深。鑼鼓縣柳陰。兒童事擊考。金燥革亦

乾○愁○聲○振○林○杪○土○音○帶○蠻○徭○過○客○不○盡○曉○勞○歌○有○酬○答○
各○自○相○嬉○好○豐○荒○關○天○運○轉○曠○誰○得○保○民○愚○亦○可○憐○聊○
用○慰○翁○媪○對○之○我○抱○慚○飢○驅○空○擾○擾○人○言○行○路○心○擇○食○
苦○不○飽○此○意○行○已○堅○毋○為○亂○懷○抱○

沔陽道中喜雨

一○枕○涼○侵○袂○朝○來○得○晏○眠○江○清○收○潦○後○風○勁○挂○颿○前○宿○
雨○纔○如○露○秋○雲○不○近○天○可○能○涓○滴○意○蓬○勃○起○枯○田○

從監利至荊州塗中作

餘○恨○空○傳○割○據○還○青○天○了○了○隔○江○山○
對岸為華容諸山人來小
雨○初○晴○後○秋○在○垂○楊○未○老○閒○望○遠○易○成○千○里○隔○時○危○敢○

凌○一○身○閒○荊○州○亦○是○從○軍○地○莫○笑○參○軍○語○帶○蠻○

呈大中丞楊公二首

高○纍○要○荒○路○幾○千○牙○門○小○駐○且○江○邊○
時駐節荊州
沈○碑○會○不○羨○龍○山○落○帽○筵○千○古○英○雄○皆○史○用○一○時○形○勝○
又○山○川○從○今○覽○眺○猶○多○暇○只○在○披○圖○聚○米○前○

樓○船○直○下○擁○旗○旌○絕○勝○貔○貅○十○萬○兵○吳○漢○威○名○如○敵○國○
魏○公○倚○重○抵○長○城○鐵○橋○徼○外○先○聲○度○銅○柱○天○南○赤○手○擎○
若○問○封○侯○何○事○業○征○南○原○是○一○書○生○

初冬登南郡城樓

牢○落○城○南○賣○餅○家○空○傳○形○勝○控○三○巴○天○寒○落○日○千○羣○馬○

葉盡疎林萬點雅沙市人來穿故壘渚宮煙暝動悲茄
繫繫新冢荒郊徧還有道骸半未遮

荊州護國寺古鼎歌

臨淮王氣日盪摩東吳西漢兩燭蛾天放禹鼎歸一統
掃蕩不再煩矰落煌煌開基自建業豐沛大風時作歌

金枝玉葉出九塞帶礪錫誓如山河

名山藏分藩記遠王植洪武二十五

年自衛改封成祖靖難後王自請移荊州

荊州要害古重鎮水合沱澧山岷

嶓親藩改封頒重器汾陰寶氣移騰那遠宮北望四千

里輦致遠自清泥過

遠東地名見遠史本紀

吳牛回首喘甫定辟

易因象潛蛟鼉中容百石外菌蠢僧重奚啻千銷鍋白

日蓬蓬雷雲起清宵鶴鶴香煙和百餘年閒封未絕嗣
王拱壁垂紈緇力營梵寺覲祈福丹碧插漢高巍我棧
齟層級疊階砌罌思繪藻連重阿明珠八百級瓔珞黃
金丈六裴韋馱憑將此鼎配清供位置端正平不頗千
林散花傳簷蔔七葉覆影依杪櫺居人空巷競頂禮一
日萬手爭摩抄年浚餘潤溢精采斑駁青綠紋成螺厥
初賜額曰護國豈意國步旋跌蹉西北忽傳羣盜起轉
掠邛熨搖牂牁叢祠孤鳴祇廟火雄王雌霸紛么膺公
然出陔入曠衍楚境劾突其誰何鳧毛東浮蔽大海轅
塵南下鷲織羅黃巾方見劇賊走白須又報官軍過紅

蓮幕之庾長史碧油幢引楊沙哥廟堂無人經略拙覆
餽折足遑知它北門吠犬失利苾南徵站鳶悲伏波簡
書右方半塗改泮水左耳全欺譌中軍但思鋌鹿豕列
陣孰肯領鶴駭九州聚鐵鑄一錯百金立木招羣魔腰
間大弓肅肅羽掌上利劍霍霍磨溼梢積歿填巨壑洗
城漂血生盤渦烏飛白頭竄帝子馬挾紅粉唬宮娥魯
藏大盜竊寶玉武庫烈燄燒瑠戈玉魚晨穿赤蟻穴金
虎夜落毛蟲窠神焦鬼爛逃后羿天驚石破愁皇娼王
坤驚聽或滲漏諾皋載紀從譏訶是時古鼎乃無恙疇
役丁甲來鴛呵乾地兮黃蟻旋磨日月來徃龍騰梭爾

來一曠四十載渚宮已長油油禾昆明土灰識燒劫銅
仙淚雨收滂沱城中故物僅畱此坐閱人代成飛柯金
剛寶杵衛帝釋彫篆石碣敲頭陀殘僧近前為指點詞
客好事空吟哦吁嗟兮滄桑變易等閒爾區區一物奚
足多

晚泊安鄉縣六韻

布颿衝雪到小泊記荒城沙岸冬收潦湖光晚放晴百
家成小聚一縣得虛名路險行吟客天驕跋扈兵廢池
猶帶樹殘壘竟無城不到干戈地誰知荊棘生

入日武陵西郊閱武二首

鷹揚盪決勢無前。騎角相持又一年。豈謂陳湯寬吏議。
尚煩充國策屯田。桃花色映巴滇馬。杏葉衰成子弟韉。
漫說秦人曾避地。而今此地是窮邊。

如茶如火望中分。鼓角饒鉦一路聞。黑齒舊疆仍結壘。
綠旗別隊自將軍。轅門誰上平蠻策。朝議先頒諭蜀文。
輸與書生工算弄。疎簾殘句轉斜曛。

再遊德山爲雨雪所阻留宿乾明方丈次壁間

周益公石刻舊韻二首

但令興到復登山路。轉鳧鷖第幾灣。福地自留蒼翠外。
閒身偏在亂離間。殘碑日月看仍在。前輩風流許再攀。

五百年來如轉盼。知從何處證無還。
城外清江江上山。依然白浪卷蒼灣。雪飄鈴事闌珊後。
春到梅花淺淡間。竹樹一丘迷出入。樓臺幾處記躋攀。
茶煙芋火前因在。信宿畱人未遣還。

三閭祠

平遠江山極目回。古祠漠漠背城開。莫嫌舉世無知己。
未有庸人不忘才。放逐官消亡國恨。歲時猶動楚人哀。
湘蘭沅芷年年綠。想見吟魂自去來。

武陵送春

時初聞官軍
恢復辰州

笛笳蓋輿幾地逢。春華一夢記南中。艸痕吹過青楊瘴。

花信飄殘畫角風燒尾。蛇應流枉矢。鷺弦鳥亦避。虛弓
桃源只隔孤城外。流下辰陽戰血紅。

舟發桃源

武陵溪口朗江灣。花落鷓鴣血。正殷楚。面回看。惟見水
蠻程從此始。登山分災小。劫推移。過避世道風。想像還
但使耕桑能復業。仙家原自在人間。

辰龍關

結陣愁雲。傷水瀆望中。高勢故嶙峋。古來形勝。知何地
天下英雄。竟少人。獨戍飢雅。喧落日。連營荒艸。壓征塵
曾經官渡。相持後柵。孔枝枝。插柳新。

海螺峰歌

楚南地窮山。聚族逞怪爭。奇走相逐。桃源以上。蔓菁多
碧玉。夢如春。笛東海。螺一峰。天下奇形。模髻鬚。神依稀
雷。砲鬼斧。劈不得。造物伎倆。初奚施。中豐上。銳下微。窄
凹。處痕青。凸邊白。古苔繡。錯十六盤。蠻髻推高。二千尺
輕身。想像窮。煙霄仰天。一笑天為高。不知後孫爾。何恃
騰。擲絕頂。相矜驕。似聞老螺。生海底。鯤化鵬。飛忽移。此
偶然。蝸殼吐。饒涎。倒覆江干。吸江水。我嗤汝。腹彭亨。幾
許寬。安能吸。盡五溪之奔湍。天公渴汝。一掬慳。故實汝
腹。封泥丸。嗚呼。已實汝。腹封泥丸。只合棄。置當百蠻。胡

為秀聳拔萬山坐令荒徼人俱頑

發辰州馬上大雨

百折岡巒去復回弓刀小隊轉城隈馬頭雲勢俄為雨
谷口泉聲併應雷礮礮連山愁路滑離披滿眼惜花開
竹雞無賴嗥偏切直送行人度嶺來

雞冠岩

絲路微從鳥道分半空雞犬隔江聞雨聲飛過石頭岩
多少人家是白雲

自沅州抵麻陽

二首
之一

欲知黔楚分疆處只在孤雲兩角邊自是勞人貪瘁路

也如渴馬愛清泉參天有勢松何健首物能工石亦妍
一片銅崖青入望夕陽點點數飛鷺

早發齊天坡

山偏嵐氣侵仲夏曉猶冷離披馬髮溼十里霧未醒流
雲弄回盪陸海開萬頃東日生其間金兀上修綬殷鮮
一輪血倒射卻無影蒼茫樹浮藻參錯峰脫穎攀躋足
力窮目賞得奇景方知夜來宿乃在最高頂

銅仁書懷寄德尹潤木兩弟

四首
之三

客行已度萬峰巔咫尺西南接漏天雲棧險應輕蜀道
布颿穩憶上吳船家書省鼻題難就春艸刀環夢未圓

了了故園東下路洞庭高浪白門煙
虛名小郡笑猶存官舍無煙米不屯
駝鴨池荒餘棄壘
漁樵人少但空邨路窮江口船稀到山近黔東石盡髡
最是子規啼未歇插天丹嶂起露後
眼見青旗換白旗幾聞殊俗震餘威月斜曉虎巡城去
風定飢鳥遶樹歸超石諸營兒作戲射生別帳妓成圍
飛書艸檄非吾事悔著征人短後衣

送雷玉衡赴印江學博任

雙江路盡還雙峽此去休論跋涉難
秋雨隔城聞戰伐
夕烽傳點望平安鄉程漸近檳榔樹
宦味初嘗首箇盤
昨夜尊前頻送喜燈花何負鄭虔官

得家荊州兄都下書因續報章并作二詩奉寄
朔南蹤迹兩浮萍爾渡滹沱我洞庭
橘柚候依京國雁
茱萸會散故園星瘴鄉弓力秋來健
沙磧笳音嶺外聽
若向北遊論客況兵荒一一眼曾經

陳東隱許持清議經濟如兄綽有餘
夜雨新豐空作客
秋燈絕徼又開書絕奇世事傳聞裏
最好交情見面初
如此畏塗須閱歷興闌吾欲賦歸與

銅仁秋感和劉丙孫六首

風物移黔境關城接楚邦
亂山爭戴石細水亦名江遠

燧連苗砦孤燈冷客窗崎嶇經戰地遊伎不成雙
吾亦疑天意人間事渺茫陣雲秋易結驛路晚偏長雞
犬無安土衣冠剩古粧少年鞞袴好輕薄笑變方
郭外於菟穴城中跋扈兵幾時除禦偷終日逐鼯鼯警
急傳雞羽悠揚聽角聲州閒殘子在卻立望昇平
居民窟崖谷頽狀類磨磨薄賦猶輸賦餘生各戀家銅
苗收石綠金氣辨丹砂亂裏輕蠻貨何時到客棹
隙火飛蟲入庭隅樹影生月光經雨淡嵐氣入秋清南
味疎鮭菜西風到繪橙可憐鄉夢斷戎櫜正三更
莫漫愁羈旅南遊計亦良主嫌蘆酒薄客愛野蔬香珠

米升春雪刀魚寸縷霜蹉跎叨已著容易送流光

秋懷詩

十六首
之二

南戒江山破涕新博泉壺馬門長貧英雄涸迹疑亡賴
風雨高歌覺有神一劍乾坤鳴怪事六朝帶笈笑文人

采蕪橋畔畱詩別母在允宜惜政身

白門王璞菴

憶從奉杖別巖隈遠枉馳箋又一回軍前風高蟲語合
獵塵秋早雁翎開石光敲火三年過銅柱無名萬里來

珍重先生期許意緘題欲報每遲徊

家伯二南遠書相示

天擎洞歌

黔江自與楚水通楚山不與黔山同神靈有意幻奇譎

使我豁達披心胃初披榛莽覓微徑旋度略約踰奔洪
水窮雲起巖洞出外象軒翥中含空陰叢轟轟聚蚊蚋
老骨硤硤推虬龍縣崖俛瞰勢將墜一柱突兀撐於中
蜂房倒垂作層級鐘乳亂滴穿玲瓏不知瀑布之源在
何許天紳飄下朝陽宮石梁截斷千匹練明珠迸出鮫
人宮又疑蜥蜴吐沫散冰雹寒氣颯颯生迴風長林豐
艸四時潤雨露不到誰尸功

重過齊天坡

十月新寒瘴已輕萬峰溼翠雨初晴人來天際斜陽影
馬踏雲中落葉聲行軸誰憐民力盡郵亭遙數戍煙生

半年遊迹愁重到何計雲山慰客情

夜觀燒山和中丞公韻

寒空月黑燄初重照夜俄生萬嶺雲赤幟千人爭趙壁
火牛百道走燕軍時危莫以烽為戲我意方憂玉亦焚
不信劫灰吹不盡艸閒狐兔尚成羣

麻陽運船行

麻陽縣西催轉粟人少山多聞鬼哭一家丁壯盡從軍
老稚扶攜出茅屋朝行派米算催船吏昏點名還索錢
輾轡轉緩出井底西望提溪如到天麻陽至提溪相去
三百里一里四五灘灘灘響流水一灘高五尺積勢殊

未已南行之累三萬餘樵爨軍裘必由此小船裝載纜
數石大船裝多行不得百夫并力上一灘邪許聲中骨
欲折前頭又見奔濤瀉未到先愁淚流血膏已盡正
輸租皮骨僅存猶應役君不見一軍坐食萬民勞民氣
難蘇士氣驕虎符昨調思南戍多少揚麾白日逃

雪後平溪道中

時官軍初復貴陽

馬足聲堅凍未融楚南晴雪照黔東百家廢井縣軍後
一路嗥猿灌莽中斑白逢人愁鋌獸萑苻何地集哀鴻
書生亦有傷時淚更溼征鞭裏朔風

清浪衛廣福寺

瓦礫城隅萬室龜窟居狀古寺比靈光殘僧一去塵蒙佛
畫角孤吹夜雨霜劫過昆明灰尚黑平溪龍漢事全荒
斷碑知是何年物野火燒來柏葉香

飛雲巖

白雲本在天變幻隨所到無端忽墮此穴地啟洞竅石
髓久漸凝靈姿特神妙軒軒勢欲舉外秀中鴛鴦坐勞
佛力鎮刻畫恣凌暴山靈怒不受企腳首頓掉猶虞從
風揚出山不可叫呈形寓百怪意想得奇肖昂昂舞師
象很很蹲虎豹蛟龍護鱗甲鸞鳳披羽翮或疑人卓立
又似波傾倒形容口莫盡覽勝難領要造物太雕刻將

母元氣耗林泉為映帶
引轉淡奧清陰轟古柏
遠響落幽瀑遂令過客
心出入殊靜躁惜哉靈
勝境乃落西南徽好事
偶一逢高情復誰較獨
留陽明碑千古表巒

獠

王文成月潭寺碑記聖果亭偈石刻俱在焉

題鎮遠中河寺後石洞

一片青山展石屏
天光西豁濟陽城
豈知躍馬橫戈地
猶有晨鐘暮鼓聲

黔陽雜詩四首

蚩尤百丈吐寒芒
時有彗星之變
殺氣西南莽未央
燕雀君臣空殿宇
蜉蝣身世閱滄桑
亂山似作孤城衛
橫戟誰堪

一面當錯料夜郎知漢大
井繩曾此自稱王

休將臥虎比前禽
諸將功高賊未擒
柳馬隔城邊
州瘦暮烏啼曉陣
雲淡盤江路
盡黔疆險鉤
棧人從蜀國尋
一片壽陽污血地
浪傳田父哭王琳

玉斧銅標界有無
直蘭城外亟儲胥
昏田橫客已辭窮島
樂毅功難敵
謫書官濫羊頭
爭獻鏡謀新鼠穴
可乘車
英雄禪子論誰是
廣武登臨歎有餘

吹脣沸地勢縱橫
約束人稱峽路兵
間道無援防豕突
叢祠有火散孤鳴
殘年租賦催何急
鬼俗流離命已輕
勿倚弓刀能殺賊
向來漁獵本蒼生

送王冕菴學博赴安順

芭蕉關前打戍鼓漏天十日九日雨西征健兒猛于虎
道傍菁溪狸伺鼠朝行縛人草驅牯張目睚眦避無所
仲家生苗若無主肆虐公然曠疆弩野無煙市絕行旅
飛鳥山山鍛毛羽爾獨胡為此焉處別家十年長兒女
失意勿復論鄉土文章下筆造奇古詩法亦可藉湜伍
髮須如絲白縷縷宛然衰博說鄒魯及門弟子紛可數
徃徃功名拾芥取先生齒豁五十五猶抱慶經應科舉
廣文片氈寒且苦顧獨求之榮袞黼僅留僮僕卷笈芥
別我西行何踽踽我爲爾歌爾起舞舞意低昂歌激楚

而今輸邊方用武何處堪容腐儒腐桑榆有路行可補
曷不去作咸陽賈

三月十五夜夢遊南湖追憶舊好因寄淮江

夢趁歸心得故園駕湖遊迹宛然存濃煙隔浦浮諸塔
春樹分行綠一邨萬里烽煙游已劫三年光景向誰論
往來最憶尚書野柔櫓伊啞直到門

送秦望兄東歸

萬里相逢有弟兄羈孤無那送君行雨腥雙腹弓刀血
風靜諸山艸木兵夢裏田園重到眼蠻中兒女自成聲
極南自古無秋雁歸去休輕議子卿

得都勻汪明府子參書卻寄

劍河秋漲轉山鳴。桂象天低瘴壓城。旅況難辭邊邑苦，蠻人能愛長官清。巖光夜放金鸞盡，兵氣秋荒木葉耕。此際回頭家萬里，可因捧檄慰毛生。

送李子受往武陵並簡山學禪師

不是無家等罷官。客中卽次取粗安。江清城郭移驪過，戰定桑麻避地難。落日孤鴻迴健翮，西風老馬却征鞍。鄴侯自具神仙骨，燒芋羞空對嬾殘。

九日同赤松上人登黔靈山最高頂四首

絕磴扳躋望已窮。忽穿鳥道入禪宮。雲端方丈娑羅日

井底孤城蘆葉風。艸木連天人骨白。關山滿眼夕陽紅。興亡何與閒僧事。一角枯碁萬劫空。

空谷西風晝怒號。山寒九月馬歸槽。路危怪石驚將墜，天縱諸峯勢競高。羅甸一軍浚壁壘，滇池千頃沸波濤。勞人何限登臨意，不向糟丘覓二豪。

諸將開邊振鼓鼙。幾教京觀菜鯨鯢。已實未脫金牛險，土貢常聞橐馬嘶。事異汶陽休許魯，謀新曹沫恐輕齊。亂山中有豺狼穴，曲突何人議水西。

渡瀘橋畔闢新阡。瘦棘荒苔半石田。漸有疎煙生郭外，那無一雁到天邊。蠻方對景憐佳節，客路登高感去年。

落帽臺孤風雨暗短表長路又三千

十二月二十二日接德尹長沙信驚聞三叔父
訃音旅中爲位而哭悲痛之餘得詩三章

荆南風雨沅南雪幾處追隨意最親乍喜遠遊依骨肉
卻愁別路阻音塵人來絕域原拌命事到傷心每怕真
兩地存亡身萬里一襟唬血隔江濱

鏗花剝落雨沈沈昨夜長沙有訃音薄宦竟虛三徑計
首丘終負九原心老成頓盡天難問家運中衰勢不禁
好與精靈扶後起松楸先兆已成陰

泉魚路盡獨悽然此意能生叔父憐豈謂縗麻辭故國
重將涕淚灑蠻天孤蹤黯澹成千里一信蹉跎到半年
也擬招魂歸未得瘴鄉誰與慰沈綿

老僕東歸寄慰德尹兼示潤木

迢迢萬里塗莽莽三歲隔離兼旅況雜沓難茲釋欲
寬居者情聊紀獨行迹前年遠辭家荆南事挾策中丞
天下賢謁入容揖客賓徒車服盛中有麻衣雪徧臘踰
洞庭羽毛風瘳痲武陵一春住山水愛激碧尋僧就閒
暇橫州應煩劇隨師赴辰沅跋涉鄰殞城麻陽三桂颯
銅仁雙著屐前軍潯陽戰破竹勢深入徧臘低貴陽孤
城如破驛荒署瓦僅存窗戶悉墮墀移時開啟篋稍稍

置硯席主人沉巨才手自樹英烈蠟丸刺閨至文案日
幾尺岑范愧幕僚但坐看壁畫邇者西征將繼被中旨
責已合兩粵師咽喉勢交極滇城久未下攻守力云竭
師久必屯田其能縣釜南熨僮竄榛莽廢土曠年麥卽
事常躊躇察者愴捐瘡那無一尊酒排遣就務隙蠻花
非時開花鳥亂格磔窮愁託吟詠好語慰行役束縛得
蹉跎年華坐拋擲憶昨初來時鉞孔冒矢石鬪饑委亂
艸霧松雜凝血馬驚忽騰躍人意一悽切亂離民命輕
雞犬等狼藉僕夫掖我前慘慘度軍柵回思田園樂歲
晏情愈迫功名捷徑啟大府破常格我無卜式資寸進

計斗石移文累好友初約背疇昔全生爲門戶識者應
見惜枵然旅橐垂念爾勤相撫家門忝居長慚媿少擘
搯子言嫂姪貧忍不分涓滴不記少小時推梨恥割宅
開函見子意至性生感激族譜教方衰錙銖起牆闥豈
知手足恩具適異疎邈卽此慰先靈庶幾免離析州堂
父書在千卷皆手澤西園梅竹林十畝錯膝陌得錢了
公稅餘用佐菽帛請書兼治生生理恆苦窄吾方逐遊
惰勉汝終苦說長鬢隨我久懶惰亦成癖憐渠筋力衰
遣歸情脈脈臨發寫此詩萬山猿叫夕

翻覆興亡閱兩朝。老來劉淪氣逾驕。十年賓客謀何密。
四海魚鹽利頗饒。西貢幾曾歸武庫。南瑗無復換文貂。
治安可少長沙策。一擲金甌險得臬。

近說孤雛以首上。特煩獻馘入皇州。朝家舊識田橫面。
飲器難寬智伯頭。視莽敢容雙騎客。爭功何與什方侯。
天南從此無征戰。上苑昆明罷習流。

轆轤綆斷井應枯。瘡主休傷押不蘆。粉麝餘香銜語燕。
佩環新鬼泣啼烏。殘妝掩鏡雙蛾短。白鬣飄沙尺土無。
別有紅妝聯騎入。金盤銀燭揀明珠。

析骸食肉一城空。阿父空提五尺童。旅火焚巢何自苦。

齊書飛矢竟誰功。大臣未必憐朱瑒。故吏寧須問向雄。
滿眼殘黎皆僕妾。向來跼縮倚神叢。

風急降旗舊折竿。播州歸甲極凋殘。一時管統援師盡。
同日臧洪赴死難。赤手何顏還抱馬。白頭無望復登壇。
大斤山下逢隋將。猶作敦煌戍卒看。

襲美官高竝入秦。佗時聲望起紅巾。豈應東市陳尸客。
安比南唐下第人。記室有文慚勸進。霸才無識笑輕身。
鴻毛一炬全家盡。豫讓橋荒鬼火新。

向漏龍門接壤間。漫勞回首望刀環。銷沈戰壘金沙闊。
畫斷關河玉谷閒。李布敢論亡命去。田疇爭許奉書還。

滿堂舊日三千客。幾箇聞雞竝出關。
大廷一意注安危。充國金城事不疑。滇海有人聞鬼哭。
棘門此外盡兒嬉。古來成敗原關數。天下英雄大可知。
莫笑書生無眼力。與君終局試論碁。

水西行

烏蠻遺種稱羅鬼。剽悍斷頭能掉尾。傳從濟火年代後。
世土居然屬宣慰。我從里俗詢大概。復取輿表質諸史。
中古荒茫不足論。淵源請自先朝始。洪武初年禍亂平。
遠略滄荒來越雋。是時奢香一巾幘。躍馬金陵謁天子。
承恩歸去立奇功。一諾西南九驛通。卻笑五丁開不到。

亂山高下隔蠶叢。二百餘年太平業。世世分藩比臣妾。
後來生聚啟規模。四十八支互蟠結。別開荆莽起臺殿。
硎戶硎房高櫺櫺。已分王土作王臣。旋練夷兵護夷穴。
剝牛磔犬片言重。聚蟻屯蜂一呼集。布囊籠髮氍毹肩。
負弩操刀輕出沒。秦和功烈汾陽亞。神廟中年平播賊。
當時亦用水西兵。驅使前行借餘力。釀成殃禍啟禎朝。
殺吏圍城氣漸驕。淡宮南顧鞭難及。諸將西征功屢邀。
土司如狼吏如鼠。八捷餘威棄歸路。內莊一夜隕河魁。
明日三軍齊縞素。眼中大創真無幾。可惜偷安旋就撫。
閣雅關外曉傳烽。靄翠營邊夜鳴鼓。爾來桑海變須臾。

此輩根株未盡除。夷性陸梁還似故。朝家謀略故非疎。
經營特借彊藩力。辛苦開疆一載餘。至今父老猶能說。
墨守輪攻真勁敵。老窠地險石作城。要隘不容雙騎入。
銅牙毒矢發濡縷。竹柄長矛利鈎棘。馬蹏過嶺捷于猱。
革甲環身輕似葉。連宵斫陣萬炬明。散入深林曉無迹。
蛇神盪鬼助饕虐。飛食人頭吐人血。若前路斷臨奔壑。
失勢一摧千萬尺。四山伐木斷作廂。裹用牛皮冒生鐵。
石椒縣紐下槌門。雷奔轟天巨靈劈。攀藤健兒氣力盡。
拍手蠻娘笑投石。重圍坐困又經時。轉粟方愁乏良策。
豈知存沒總關天。渠首終成戲下縣。萬嶺提封開四郡。

一朝腥穢滌千年。自此巖疆少蜂蠆。餘威遠懾諸苗若。
空畱徼外廓。清功自取人間潛。止罪。此日重勞問罪師。
鳥飛三市失棲枝。忽傳耐德生。還日趙氏中山尚有兒。
烏蒙特角稱甥甥。曾定安地舊婚媾也。挈遺孤代之哀。
復歸故土希恩宥。頗聞軍令競邊驩。滿許閒田復見還。
土貢紛紛呈鐵蹄。庚直徃徃賜銀盤。寄語封疆諸大吏。
從前開闢談何易。莫貪杜手納金錢。此事孤雛有深意。
輸糧禽賊爾何功。王會圖成戎索同。不見天心今厭亂。
戰場新鬼盡英雄。

中山尼

中山女尼顏似玉布襪青鞵行于白日潛形灌莽中
逢人不敢吞聲哭自言生長本名家阿父才名宋玉誇
千里飄飄隨遠宦一身迢遞入三巴養成嬌女嬌無偶
掌上明珠唾隨口花前侍妾盡知書鏡裏新妝時學母
自從觀察去朝天官署清涼遂可憐寇盜西南俄阻隔
葦氛狼籍掃東川孤兒寡婦皆臣僕翠輿塞羅行補屋
賣散平頭計漸貧嫁分紅粉身何獨飄零無賴到南天
夫婿移家遠入滇幾夜新婚永成訣旋收戰骨葬江邊
早年淪落多關命石上三生眼前證便遣情緣著灰灰
行依心月開圓鏡小鬟何意尚隨身宛轉青絲手共分

金翦無聲雲委地寶釵有夢燕依人扶攜同向中山寺
改口人前喚師弟別與繙經起法名慶光舊是閨中婢
皓齒明眸兩比上久拌生灰等浮漚香鐙繡佛前因在
從此相依擬白頭晨鐘暮鼓流光易荏苒今年三十二
骨肉深恩且勿論滄桑時局關何事何當六詔又屯師
十月孤城乍解圍將軍奏凱功無敵悍卒搜牢勢不支
移巢拔穴驅人起但是有身無避理一朝蓄髮彊同行
幾度剗刀猶不灰歸程昨夜次偏橋哀笛吹殘令寐寥
卻喜道傍俄見桑州閒趺坐度清宵同行偶傍江東客
指點雲山曉來迹雙江暫擬尋同伴半路又驚逢邏卒

太守呼來淚未乾。含嗔一一語悲酸。亂來莫說爲官好。
兒女姻親那得完。夢裏生還愁故里。依稀記得萊陽是。
已作昆明劫後人。託根何必仍桑梓。君不見列帳西來
珠翠圍。息息粉鏡去如飛。不知皂帽天涯住。何似紅帶
馬上歸。

將發肯陽畱別大中丞楊公二首

風波纔過又烽煙。一路看山漸近滇。浪迹南雲真萬里。
濫竽東郭已三年。孤熊舐掌粗知分。飛鳥依人正自憐。
不覺對公成灑涕。也應容我賦歸田。

鄉社粉榆隔後塵。交情翻借布衣親。勒銘事大才難稱。

絕代人稀見。始真寶匣異光刀。剖玉銅盤高燄燭。輝銀
佗時重話西征績。慚媿曾充幕下賓。

度雲頂關

目極雲生處。到來雲滿身。時清存畏路。興盡有歸人。馬
力疲堪惜。禽言聽似真。往來經戰地。白日起陰燐。

母豬洞觀瀑

巒中六月交山路。苦楚兼臥聞夜雨。來快起尋乳穴。入
洞微有聲。足底響嗚咽。出山忽震怒。閃睽不容掣。巖前
匯奔流。入駭馬。辟易來如曳。組練一綫注。飛白跌爲淵。
潭深湛湛落激碧。石牙互參錯。吞吐霹靂舌。直從巒環

底跳沫騰百尺。慘慘天變容。凜凜風作雪。岡頭杜宇叫。
萬竹劃然裂。歸塗得奇觀。頓解肺肝熱。
黎峨城北福泉山。張三丰禮斗亭尚存。
清池照影樹扶疎。畫靜廊空想步虛。閱世人來碁散後。
出山雲澹雨晴初。窮塵滾滾孤亭在。浩劫茫茫百戰餘。
華表鶴歸應有淚。舊時城郭半丘墟。

重宿濟陽中山寺贈紫橋長老

水色山光淨眼前。下臨無地有蒼煙。長虹自互西來路。
峭壁剛支北面天。開士偶逢堪一笑。舊遊重到已經年。
亂離風景勞生夢。可少秋堂借榻眠。

入神堂灣邨家

布帟翩翩短幅高。髻亭亭古妝。坐看人成翁媪。不知世
有姬姜。

長溪縣晚泊

夕陽孤塔表長溪。江面初寬地漸低。從此一舟平似掌。
萬峰回首夜郎西。

長沙舟中聞德尹入黔之信

去年此地君思我。君到黔中我又歸。世路茫茫誰料得。
離人黯黯意多違。兩萍湖海原難遇。獨雁瀟湘正懶飛。
此夜夢回被冷殘。銜珠雨倍依依。

長沙雜感

四首之三

水遠山平極望賒。湖南風物一長嗟。屈原已去終亡國。
吳芮如存可世家。湘竹舊痕嗚夢雨。薜蘿新鬼怨囊沙。
孤城自繞殘陽岸。風急秋清咽暮笳。

騎角關山百戰過。征南精銳竟如何。牛羊隊逐移營盡。
犀兕人傳棄甲多。蜀虎連年勞悵望。黔驢無技任譏訶。
孟明一昔功無敵。別路今聽唱凱歌。

窮年供億奈兵荒。穀賤傷農力莫償。地遠舟車還絡繹。
時清圖繪有流亡。勞魚未必忘煦沫。集雁何當穩稻梁。
十萬人家君勿問。如今瘠土是三湘。

中秋夜洞庭對月歌

長風霾雲莽千里。雲氣蓬蓬天冒水。風收雲散波乍平。
倒轉青天作湖底。初看落日沈波紅。素月欲升天斂容。
舟人回首盡東望。吞吐故在馮夷宮。須臾忽自波心上。
鏡面橫開十餘丈。月光浸水水浸天。一派空明互迴盪。
此時驪龍潛最深。目眩不得銜珠吟。巨魚無知作騰蹕。
鱗甲一動千黃金。人間此境知難心。快意翻從偶然得。
遙聞漁父唱歌來。始覺中秋是今夕。

夜宿蘄洲

洞庭晨出險小驛。宿兼程漁火遠。却沒雁沙殘月明。崔

符荒大澤賦斂窮餘生不敢論時事乾坤及罷兵

過湖口作

楚水吳煙一覽收新移鎖鑰控中流誰興桑孔緡錢利
盡算江湖大小舟山脚酒旗孤店晚縣南風色亂驅秋
詩囊屢擔琴扶却關吏何妨笑薄遊

敬業堂詩集卷之二

海寧查慎行悔餘著

長洲吳翌鳳校菴選

哭王右朝

四首之二

還家約略中秋後長路風波恨稍遲六日不詹君尚望
三年重到我成悲魂來蘋末蛟龍駭淚殺銓花枕席知
怪得吳江催噩夢喚回孤帳雨絲絲

九月十二夜舟泊吳江夢中忽有人

大呼曰三日內汝當有奇禍一時
驚寤明日到家遂聞兄重陽討信

卅載交親氣證中蓋棺事了太恩恩擬從續俗存家法
不願諸甥有舅風水雪一枝憐抱鵲圖書四壁噉秋蟲

東山便是西州路。欲學羊曇計轉窮。

不見外舅陸射山先生屈指六年今春奉謁里門旋有兵行兼以送別二首

鬢霜頽雪走天涯。拂輿歸來記歲華。海內詩文無手敵。座中筋力許誰誇。談深世態多經眼。老喜遊蹤漸近家。五柳有情難繫別。勿論鄉思米囊花。

亂餘三徑長蓬蒿。粟里田荒尚屬陶。逸興人扶雙屐健。名山天靳一星高。春濃遠市紅鑿月。煙汎輕颿白鷺濤。怪底尊前還戀戀。六年書疏阻江皋。

重過聽鶯齋與徐淮江話舊

風雨高齋別幾春。小池佳樹碧添鱗。兩湖地主憐君在。三月鶯花笑客頻。夢裏何曾忘對榻。畫中只合著閒人。倦游莫訝歸心切。知己無如孺子真。

麥無秋行

三春雨多二麥荒。孽卷盡麥田中央。大麥莖長穗未起。小麥莖短葉早黃。棟花風過縹車。箇憶得年時麥上場。場乾日烈聲拍拍。打麥作糜湯餅香。腰鎌徑刈纒盈尺。雉尾襪襪藏不得。驚人角角渡水鳴。別向原頭刈間活。可憐雅鵲不知時。葦下荒疇覓餘粒。我爲老農語雅鵲。明年好收從汝食。明年好收理則那。只愁無種將奈何。

題陳允文圮橋授書圖小影

戰鬥功輸運籌亞英雄勇退神仙舍誰招四皓出商山
我信留侯本儒者奇謨祕策乃天授老父一編事聊假
不然韜略世所知豈必傳從圮橋下陳生爾意非好奇
那將此意供圖寫志大何妨學聖賢時清未許談王霸
披圖商略意何如傳習師門計有餘余與允文俱出
姚江先之門前經術皆經濟莫問人間未見書

同人中秋集陳寄齋宅

南遊我昨逢佳節兩度中秋瘴如墨去年對酒洞庭湖
萬頃平波鋪練雪電光一瞬等閒過倏忽還家又今夕

良朋折柬邀共醉憐我怱怱復行色晚來微雨過城西
影落人衣月東出明河一洗秋容淨海氣天光較然劃
街頭無人市聲斂相國門前月尤白門前看月堂上歌
白月紅燈互相射繡屏屈却圍嬌面赴節紅牙夜淡拍
沈沈簫管索索絲微動梁塵隨猶澀清商一線徐引去
桂樹流颺葉初脫此時中庭月停午窈窕穿簾巧相覓
須臾腰鼓忽向闌假面西涼鞞嘖嘖歡場冷落年數久
對此翻令感蕭瑟卻憶江湖載酒時蘆花渡岸聞吹笛
故人顏色就歸夢羽短塗長弄飛越此來會合有天幸
竿木逢場看跳擲微歌自笑膽氣麤起舞偏驚耳輪熟

東南敦槃君眼見。供帳如雲掃無迹。獨畱好景付吾曹。
莫向瑤臺話疇昔。只愁客散月易斜。人事蒼茫難料得。
來年作客知何地。此地來年召何客。南枝棲鵲催五更。
東野寒菴號四壁。殷勤醉月還一杯。珍重清光照離別。
也知習懶使支戶。不廢階除有送迎。

題曹希文齋

怪底移家忽入城。艸堂幽事頗關情。琴牀近海潮添潤。
茶榻分泉火就烹。摩詰園亭依畫幙。建安人物入詩評。
畱別朱日觀。祝豹臣。朱與三陳寄齋王南屏家。
西毒叔韜荒兄蒼山姪二首

綠鬢西風幾徧吹。許巢貧過少年時。用方干詩中語好官氣色

車。表壯獨客。心情故舊疑。近月江雲徧。絢采未霜淮柳

已搖絲。名場此日誰高步。消得樊川贈別詩。

渭城歌酒最纏綿。存歿關心一黯然。落日故人長笛賦

右朝政已一年曉星同調斷鴻天。夢回露白移橙候。路入秋紅

晚至漁亭

小步聞名好到來。頗覺煩鈴聲驢背。米蕪戶水窮邨旅。
食豐年。便方言晚市。喧黃茅山百折。此路指祁門。

送又微姪自豫章東歸兼示德尹

垂老雙親驗鬢絲。薄遊仍欠艸堂貲。關河最左勞人計。
獲鶴能寬閉戶期。落拓生涯吾自笑。滯留情事爾應知。
從教物論分優劣。點檢初心也自疑。

楚黃陶忠毅公以世冑協守寧前衛癸未城陷
公殉節焉事具合肥宗伯行略其家子士平出
公畫像索題用舊韻

已陷金城破玉門。瓜沙河渭總號痕。捐軀幾輩曾當局。
抵掌何人不大言。五代鐵槍傳畫像。百年江月酌清尊。
李家降表尋常事。話到書生惱夢魂。

芙蓉菴水亭

徑轉春陰午未移。小亭如蓋倪漣漪。柳邊風到鱗鱗活。
鏡裏闌開面面空。欲去興狂呼酒伴。重來緣淺看花時。
此間著我真塵俗。何用多畱疥壁詩。

康郎山功臣廟十四韻

疇昔驅馳會英雄。想像閒蹕移青雀。舫酒灑白茅。灣鷹
隼搏空擊鱷。鯢授首還波濤。經虎尾矢石避龍顏。一戰
西南定羣公。策力閒戎方開國。連生不點朝班。紀信無

遺恨曹成本。世官顯榮衰。後高茅土。槍重頑奕葉。將軍

樹廟前古槐相傳明太祖
破偽漢時封為將軍

中流砥柱山。炎風焚鐵券。石

馬嚼金環。黃屋今無迹。朱旗閃尚殷。太平何事業。要害

此江關廟貌瞻嚴肅時情易險藉興亡
他日事清淚獨
潏潏

武林寓樓與德尹夜話

迎面蛛絲落幾番
每從遠信報平安
各驚顏狀佗鄉異
一落江湖戢影難
花鳥蠻花天萬里
朔雲邊雪路千盤
六年蹤迹連牀話
大似羌邨語夜闌

西水燕集畱別姚夢虹宋受谷張王士張介山

邵翼雲金子由吳震一卓次厚九如

南路風濤北路塵
歸艎纔泊復征輪
三秋斷梗如遊迹
一座清風抵故人
壁壘降旗文戰罷
乾坤攬轡客懷新

天涯珍重臨期意
只有貧交不諱貧

伴城旅店次徐子大壁間韻

淺艸平陂極望通
客程漸入亂山中
坐消髀肉全無爲
負點詩囊幸未空
沙磧涼生蒼麥雨
茅檐香過棗花風
卻愁長日行難到
又指斜陽一抹紅

齊河

關城餘霸氣雞犬入齊風
山豁平沙外天低小縣東
魚鹽知俗古豚酒祝年豐
別有雄警意休誇管晏功

晚抵晏城次壁間韻

目力窮邊酒旆生
熟梅天愛偶然晴
高樓吹角風無賴

壞壁留詩客有情紅日忽沈煙起處白楊長遮雨來聲
萬山回首如屏障一片平蕪接晏城

金章宗手植松在壽安山西嶺上

壽安山頭一老松從下仰視青童童羽衣仙人擁蓋立
柄短卻作偃僂容我思躡屩苦無伴范老性華興到許
我從婆娑初自枝亞入中乃可置一畝宮四傷四枝分
四面側理橫出交蓬鬆東西南北不相顧意到各自成
蚪龍中間大枝表挈領高勢一攬收羣雄其旁峭壁截
牙角直下千尺方藏鋒蒼顛翠尾掉空際蜿蜒飲澗天
投虹千山萬山勢搖動鱗甲未斂雲濛濛須臾夕陽轉

西麓脇下叟叟生微風一聲老鶴忽飛出字籟散入鄰
菴鐘老僧指似時代古手植傳是金章宗洗妝樓空春
月白射柳圍廢秋花紅一朝故物僅留此鬱鬱幸自蟠
蒼穹爾來四百四十載坐閱滄海如飄蓬輪囷差堪伍
社標滿澗猶足驕秦封君不見報國門前數株樹託根
悔落塵埃中

冒雨至香山晚宿來青軒

曲磴初從鳥道攀短牆東面抱纒環九重城闕微茫外
一氣風雲吐納間暝色浮鐘來別寺秋聲分雨過前山
紅塵那許高千丈任放層軒擁翠鬟

送陸蓬雲之井陘

不道西游爾許難。萬峰高下渡桑乾。亂雅雪壓荒程真。
叢雁天低畫角殘。燕市莫尋當日伴。并州且作故鄉看。
到時尺素煩馳寄。及與梅花報歲闌。

小除夜彭椒巖招同沈韓錫陳叔毅談未菴家
聲山姪集王巖士樞部齋限韻

臘鎧垂爐夜厭厭。寒薄重裘雪滿簾。得路才華同輩少。
畏人心迹擇交嚴。座中放論歸常悔。醉裏題詩醒自嫌。
等是關山牢落意。年年馬齒路傍添。

送祝彥方落第南還

來何州州去息。息帝里春殘悵別同。歸燕吟成芳州外。
跨驢人老落花中。枉緣腰扇遮西日。悔逐烏裘障北風。
勸爾一杯須作達。畫看何取入時工。

次德尹見懷原韻二首

倦飛無力出風塵。每對來書輒損神。失路又成三歲別。
賣文何補一家貧。浮生汎梗仍孤影。上苑攀花偶故人。
多少五陵裘馬地。等閒狼籍路傷春。

爛醉旗亭得幾場。鄉愁如海詎勝量。花紅邨社菓邊燕。
艸綠春波雨後羊。每送歸人因得句。漸消奇氣不成狂。
便思短策飄然去。檢點征袍已八霜。

送郭奉旭歸平湖

屢卜行期又屢遷一官空憶廣文甄飽嘗世味貧歸路
老傷時名狎少年席帽白堆蓬鬢雪布颿青入柘湖天
倦遊未必非良策萬頃煙波好放船

畢鐵崖僉事將督學貴州枉問黔中風土短章

奉荅兼以送行

浪遊我昨趨黔境一線乾坤歎蹭蹬辱公就我來問塗
臨別能無片言贈此邦風物口能說筆墨形容反難罄
但從記憶得大凡一一舟車往堪證荒塗杳邈六千里
冷暑蒼涼十三郡荒山無樹茅紛披亂水分溪石絲互

金蠶閃閃夜放蠶苦霧濛濛晝羸穿經過密菁偶逢人
雙眼睚眦語難聽裹頭黑攤氈覆却赤腳花苗帚及脛
呼同山鳥有似名籍隸官司總無姓其中一二稍秀拔
略解詩書誦賢聖憑將流寓較土著有似蓬麻艸中勁
卅年沉復兩邁亂子子殘黎偶然刺此時收斂加冠巾
並賴名賢計安定先生制藝傳海內帖括家家奉龜鏡
昨年選曹得兩浙私為鄉人喜稱慶朝廷有意變成格
使者移官膺後命公赴銓選初除浙江學使已而改除勿輕荒徼辭遠官
此去依然執文柄五丁力在山為開尚闢蠶叢作蹊徑
苗民雖頑亦人類嚮化何嘗絕天性從來教養視人事

豈謂聲呼無響應。暮中浦郎傳功。沉才士唱和溪山好。
乘興公聞此語當。輒然快策行。衰倚鞭銜。

送葛受箕赴建陽丞

南行風土近鄉關。路轉三衢第幾灣。簿領老除新佐貳。
幔亭天與好溪山。松間日影哦詩過。花下文書判尾還。
葛工如此襟期原不俗。宦塗有味是蕭閒。

喜外舅陸射山先生至都六月望後為先生初
度同學數子置酒容園為壽敬賦長句四首以

有觴

幾徧芒屨踏帝畿。星埃頭上片雲飛。漸除豪氣終違俗。

纔卸行囊便憶歸。晚節尚餘文筆在。舊遊併覺酒人稀。
清時肯擅徵君號。收取聲名待拂衣。

夜夜星明處士天。青山高臥奈無緣。癸辛志每隨行笈。
甲子詩多入紀年。未定艸堂天寶後。就荒松徑義羲前。

身為甫里先生裔。莫笑貧無一稜田。

陸魯望詩我本曾無一稜田

小別回頭又隔年。重瞻須鬢轉蒼然。采芝園綺今無伴。
善飯江湖老亦仙。簾閣日長棋算劫。荷陰人去鶴看船。
過從最憶須雲閣。老樹濃陰庇亂蟬。

尊酒名園借榻餘。眼中泉石自清腴。同來我亦辭巢燕。
暫止人猶愛屋烏。新沐頭輕從鬢短。穿花步穩倩藜扶。

尚平此日差無累。懷裏親攜五岳圖。

送李蒙山回嘉禾任次外舅韻二首

吹弦歌罷水風涼。碧野秋來未翦霜。報道今年官酒賤。
公畦小稜秣花香。

衣裘容易改寒暄。來往無端閱使軒。歸夢隨君到蘋末。
白鷗飛處是田園。

為范性華徵君題陳憐小影

小像沈香手自熏。前期如夢卻疑真。五湖忍負閒風月。
為少扁舟共載人。

備馬歌為朱悔人賦用李茶陵集中韻

朱顏別家久不歸。如鳥羽倦猶孤。飛踵決曾穿雪中履。
綫綻未補秋來衣。長安城中多第宅。年少翩翩好帶笏。
青絲絡馬控馬鞍。騎出從誇新買得。顛乎足不出戶庭。
塵高十丈看橫行。忽然欲詣良友酌。正坐倚壁空拚罌。
蹇驢力小不任重。性命敢謂男兒輕。牽來未識北馬性。
借得大感東家情。掀顛卻上跨。羈坐掣電流星一鞭過。
此時逸足縱莫收。造父旁觀巧難佐。跡跡駕馭良非易。
馬上人從馬前墮。鏡中欲博齟齬笑。賦裏偏憎插花頰。
康莊大道城西阿。失足何必皆坡陀。有生所事非意料。
未許輕薄相嘲訶。當年頗怪王處仲。曾為伏櫪生悲歌。

虎頭失計始投筆。猿臂何物誇橫戈。不如漢陰歸閉戶。
安穩生涯信徒步。未成矯矯鶴南飛。那免荒荒兔西顧。
夕陽牛背輸收豎。夜雨蘆中負漁父。故人乘車爾戴笠。
此作參軍彼主簿。天生爾以不羈才。因踏風塵是誰誤。
眼前只作墮馬看。一跌無端豈終仆。印須官赴舟子招。
將伯誰為輔車助。我生鹵莽事奔走。屈指歔崎經畏路。
尚逐佗人肥馬塵。浪遊北出凡三度。似聞樊圃限狂夫。
復合因君警晨暮。

送汪禹昭南歸

國家設制科取士數亦夥。苟非得其人。膺仕真瑣瑣。予

來試南宮。命中弦激竒。千言屬廷對。一一明珠顆。謂空
逐騰上帽。壓宮花朵羣。飛或刺天而子足。猶裹束書欲
南下。踟躕每未果。州州薄遊。衰昏昏。鐙檠火。半年仍旅
食。今始買歸舸。一涉仕宦途。古人比韁鎖。子方當年力
抱負。況磊何更讀。十年書識老才。亦頗井然見。經濟歷
試靡不可得第。未得官於遇。非轍軻。子如歎。失意何以
更處我。

送何雪神宰溧陽

嶺表才名久。軼倫一官江。界去遠。巡五千里外。飛鳧地
三十年來。謁選人可有。孟郊為縣尉。長容閔。曾作州民。

謂宋鳴琴以外無公事花氣能消薄領塵

周廣菴編修席上分賦秋蘆十六韻

秋入江湖闊天連葭蕩荒懷人方渺渺極目但蒼蒼搖
落空洲畔參差狂渚傷拂苙看漸老抽筍記初長露壓
稍稍重聲添葉葉涼戰風回折戟濡雨得沈槍寒水依
痕靜殘暉弄影忙白疑先挾雪青愛乍經霜暗浦菰交
暝沙田稻映黃就橋迷懈蘄引路入漁莊錯莫招窮士
延緣阻一方寒蟬遺晚蛻遠雁落斜行感粟悲辭漢琵琶
遠嫁商託根隨地有薄植過時傷織箔思蠶事編簾
隔艸堂刺船如有約吾興在滄浪

白龍非願培園宮贊寓齋鐙下賞菊援韻限為字

擘箋重和去年詩葉底花前榻未移卻對清尊噉候晚
尚留名種愛開遲閒情特許移鐙就畫幃猶煩蘸墨為
莫話陶家三徑事年年此景負東籬

武陵楊長蒼重來都下感舊有贈

建業相逢記一身飛蓬心迹感重論舊家春燕烏衣巷
故國秋瓜覆盜門愁倚白頭絲減鬢閒緜青史淚交痕
可堪潦倒風塵際還見元和一品孫

與顧梁汾舍人次閣學韓公韻

不是微之定收之紫薇亭擅舍人詞十年未就歸田賦

眾口猶傳赴洛詩。往事相關甚已疑。秋風纔到鬢先知。
怪來東閣畱賓地。難遣深情是酒卮。時舍人有
凶友之痛

送宋牧仲提刑山東

名封十二接關城。繡斧前頭父老迎。問俗潛移齊右姓。
下車先揖魯諸生。天開息日三更白。濟入河流一道清。
歷下亭邊名士會。駉壇行見續詩盟。

舟夜書所見

月黑見漁燈。孤光一點螢。微微風簇浪。散作滿河星。

亂雅

白項非無種。烏頭亦有名。野田畱點點。古墓去程程。陣

忽遮天。暗貪因得食。爭君看稻粱。雁夫次敢先行。

挂颿行

船頭船尾收鐵貓。三尺五尺堆銀濤。弓張颿腹機激箭。
原樹卻走如奔逃。西山已沒煙霧裏。初日欲吐春雲高。
須臾倏達直沽岸。風勢未已猶颿颿。當前有關敢飛渡。
又向津頭却颿住。

天津關用薛文清公舊韻

地勢東來一掌平。忽開官閣起崢嶸。風腥曉市知魚賤。
客過嚴關喜篋輕。暮雨暗添丁字水。春陰低壓直沽城。
雲颿轉海非難事。誰念東南物力傾。

開口觀曾魚者

插河一綫才如溝戢戢魚聚鉞千頭其中巨者長二寸
領隊已足稱豪酋爾生亦覺太局促漂漚散沫沈還浮
不知世有江海闊長養何異蒙拘酋居民活計乃在此
勞不撒網逸不鉤竹竿細罾密作眼駕以一葉無蓬舟
朝來算去尋丈內細細拈取銀花稠庖廚卻緣瑣碎棄
暴向風日乾初收微鯨苟適飼狸用性命官為織豪雷
吾聞王政雖無澤梁禁鯢鮪尚有沔池遊人窮微物必
盡取此事隱繫蒼生憂一錢亦徵入市稅末世徃徃多
窮搜

晚泊周店雷雨大作

已作回風半日涼忽聞急雨洒淋浪洪流赴插增雷勢
一線穿雲是電光虹霓定抽苔徑筍綠鉞初翦水田秧
喚醒孤客田園夢只有鼃聲似故鄉

寒食行

老雅銜紙錢飛上白楊樹破廬誰氏子挈檢上冢去新
鬼土作堆堆平鬼亦故百年過鼎鼎孰者非朝露安知
今樓臺不是昔墟墓十年寒食節九度化鄉路看到野
棠梨荒山春又算

題蔡芳麓修撰早朝圖

水精簾卷月如鉤。侍史妝成盡下樓。比似早朝還較早。不教君起看梳頭。

醜舫消夏分賦涼篷

平鋪一面席。高出四邊牆。雨似停船聽。風空露頂涼。片陰停卓午。返景入斜陽。轉憶臨溪宅。松毛透屋香。

牽牛花十二韻同竹垞兄賦

添得新秋意。幽芳豔一庭。開長先七夕。名許拆雙星。宿露涼初洗。朝陽夢乍醒。籬頭從點綴。竹尾借娉婷。徑淺疑妨帽。窗疎愛拂檣。蜘蛛檐角网。蟋蟀艸邊亭。垂處梢梢碧。分來朵朵青。有人簪綠鬢。無分插花瓶。輕較春天

曉微黏雨後。螢肖形嫌鼓子。如鳥啄金鈴。榮落誰相惜。涼暄爾慣經。寫生煩妙手。渲染上圓屏。

初冬拜朱大司空墓感賦

城南舊是陪遊地。一片蒼涼野哭中。宿草墓門黃葉雨。亂雅祠宇白楊風。餘生削迹誰知己。往事傷心我自公。肯信九原還有路。人間何處不逢窮。

冬鞠聯句二十韻

猶剩籬邊朵。幽香伴小齋。魏地祇緣開較晚。真與俗難諧。

慎憶植當松徑。分苗徬秫稽。地一行頭竝摘。幾稜手親

慎排未沿繩。兼毘先防虎。似豺地栽培從老圃。束縛向

斜街慎擔喜連泥買。僅瞋盲雨差。抽素心邀我嘗倦眼。

為君開慎白酒重陽過清吟。十月借抽瘦窗圍竹几涼。

路別梭鞵慎獵獵風。指慢紛紛月浸階。抽稍應愁雪妬。

幸不被塵埋慎。采可芻新釀。簪空綴冷釵。抽葉經霜後。

斂花比節前佳慎。小塔鐙雙影。低屏水一涯。抽落隨駮。

客佩淡入雅人懷慎。寒色方凝。翰新芽已發。茲抽過時。

拋瓦缶。畱種記牙牌慎。按譜名空羨。餐英願尚乖。抽明

年須放早。吾欲返荆柴慎。

月下渡揚子江次西溟韻

妙高峰下曉鐘撞。隔岸吳船正發幫。風露一天人擁被。

櫓聲搖夢過春江。

題陸漢標墨菜圖

小圃朝來露未晞。早菘青脆晚菘肥。老饕不要園官送。
直擬從君攫畫歸。

湖晚至東山

秋水如膏滑上船。峭颿衝破五湖煙。豈知地少雲多處。
別有橙黃橘綠天。枕葦欲清花夜夢。杖藜行結好山緣。
詩人愛入雞豚社。只欠躬耕十畝田。

山居詩次大司寇徐公原韻三首之一

得從林屋賦閒居。勝駕還朝四望車。萬頃波濤憑檻外。

一天風雨落颿初。龍威宗竇重搜字。笠澤叢殘舊著書。
復與伊川同擊壤。何妨問答到樵漁。

啟雲樓次顧丈景范原韻

堵牆高下列丹楓。平視茫茫但碧空。地迴最空千尺上。
景奇獨占一山東。湖光夜閃疑飛電。磴道秋垂似偃虹。
多愧元龍豪氣在。每聞清嘯出樓中。

題劉氏東樓

連山正缺西南角。合有高樓面太湖。不許遊人誇目力。
淡雲濃日兩模糊。

出雲篇和西齋

山以東得名羅列非一嶺。兒孫丈人行屈首殊未肯。今
晨天忽雲晴色。變滄洞蒸蒸氣浮益。冒煙上井眾峰
處。囊中刻露錐出穎。一峰獨埋沒有物踞其頂。陽鳥從
東升對射卻無影。林寒不受照。萬象淒以冷。大風西北
來作力。一何猛。奔逃脫鱗甲。破碎寧復整。正賴湖腹寬。
吐吞在俄頃。山人耳目眩。夢喚初醒重看莫。登高乃
著表挈領。

送田間先生歸桐城兼寄高丹植明府

滿篋詩文手自編。秋風攜上皖江船。氣吞湖海豪猶昔。
老閱滄桑骨已仙。愁裏豈堪論往事。

集中有與先
君子酬答詩部中

容易著高賢。馳書早報樅陽令。薄少時應致俸錢。

欲往豐圻看楓葉為雨所阻

山中築居如築城。徃徃人家背山住。連街接巷比通闌。
雖有林巒無曠趣。故雲樓東鴨腳木。亂葉成堆稍通路。
此中合著杜門人。一月出遊凡幾度。我生夙嗜久撥棄。
祇有吟情剩如故。頗聞人說豐圻勝。況有丹楓照秋筭。
魚蝦市遠風不腥。橘柚園深香作霧。朝來折柬約溪友。
預飭晨炊治遊具。住山復作遊山人。此事寧防天亦妒。
初看鬢髮雲似墨。忽聽淋浪雨如注。客言萬事難逆料。
投足無端動關數。豈知勇怯總由人。老嬾逡巡坐自誤。

憶當涉世氣。鹵莽浪走風塵飽。霜露衝泥驢背不自惜。
到此翻令限跬步。天工作意不肖。晴明日披蓑杖藜去。

大雨同胡拙明閣百詩登湖樓

大聲拔湖洪。飛上巨鼇背。歛空作猛雨。倒射怒百倍。萬
木助一喧。掀騰走羣怪。樓孤若動搖。勢已岌岌殆。雲頭
排窗來。山影忽在外。目存思欲絕。境變奇乃最。我詩苦
難工。傑句應有待。

虎丘晚泊

山淺橋平水一隈。幾株紅樹寺門開。從看小景如盈盎。
新向湖天放眼回。

未雪鴻移居詩和黎洲先生

遠。廬。天。地。忽。羈。棲。爪。迹。何。煩。苦。印。泥。招。隱。莫。分。山。大。小。
卜。居。難。定。讓。東。西。一。舟。最。穩。裝。書。重。四。壁。初。忘。待。客。題。
終。勝。梁。鴻。依。廬。下。年。年。井。臼。累。山。妻。

書宣以藥酒一囊見餉賦

北風夜半收鳴鼉冷光浸日湖不波對門老樹盡僵立
枝頭斗大鵲作窠山人畏寒臥復起排籤十指無人呵
雲間陳翁山好事者乞與方法招詩魔酒材難致藥料
貴正苦羞澀囊無化感君餉我分一器何異良劑投沈
疴瓮城新開香繞鼻瀉以碧梳承紅螺甘分沆瀣光琥

珀邛醲不數黃日鹹卯時小酌午未醒挾纒續乍回陽
和蓬蓬入腦聲自覺粥粥浮面顏微醺枯腸一洗朽藥
出老眼亂瞥昏花過肩高尚吟薄薄酒耳熱漫作烏烏
歌井首效箴笑揚子春色可賦煩東坡犀首達生坐無
事袁絲遣日知止何有生得此亦過分況敢嗜好窮搜
羅偶將一醉累良友並錯莫必惠已之預愁之擗之馨之唇之吻
燦。拖。漿。那。得。翻。天。河。

書宣次韻見答復倒用前韻作一章邀余繼和

時書宣將歸揚州兼以贈別

君才如漢江淮河駕天輪浪豈患多坐批百家目炯炯

行貯四庫曾羅羅詞源獨騁曹植富餘地不量繼者何
金凡脫手最輕捷快馬直下燕支坡朝來赫蹏急傳示
白雪竟壓巴人歌我時解鞍息蹇足臥看縱轡奔騰過
吟情欲撥酒力發小戶一盞醺顏酡平生有作每任盪
音調太急弦難和醉來翻嫌天地窄局促未免愁籠馘
團團陳迹走循磨眩眩纈眼光旋螺爾來檢點稍知悔
思以勺水湔前疴可憐故態時復作形雖近放心靡佗
人生有情會有癖湛詩麴藥俱成魔何如守守昔賢戒
不吟不醉從嘲呵逝將啻養全歸計野蠶簇蕪蜂藏窠
子今勇決乃過我氣盛不怕江翻波臨行舉杯懺口業

長句儻所生蛟鼉

以藥酒分餉唐實君吳西齋再疊倒韻索和

鷓。足。蟠。腹。鼠。飲。河。就。中。滿。貯。得。幾。多。玻。璃。萬。頃。吸。不。盡。
霜。風。吹。淺。如。碧。羅。詩。人。氣。麤。言。語。大。鑄。琢。造。化。將。誰。何。
婁。東。二。生。我。同。調。得。第。厭。上。金。鑿。玻。揭。來。忘。分。受。莫。逆。
銅。斗。許。和。寒。郊。歌。湖。心。淺。山。住。隔。巷。衝。凍。踏。月。頭。經。過。
所。漸。才。分。非。爾。敵。頰。面。未。飲。長。先。酡。愁。腸。酒。肺。互。撐。拄。
正。賴。藥。味。相。調。和。長。餅。分。餉。良。有。以。願。奢。似。挾。山。陰。馘。
鸕。鷀。聊。足。注。半。杓。鸚。鵡。恰。好。浮。雙。螺。復。從。唐。侯。促。佳。句。
實。君。許。題。放。鴨。更。祝。吳。子。蠲。沈。疴。時西齋屬微疾號。吸。當。筵。誰。

是主剝啄扣戶人非佗林魑木客盡逃避氣豪橫欲驅
羣魔此間差無俗物擾尚有亭長能相呵懷哉歲暮盍
歸去坐看日夕雞棲窠小槽漚漚聽壓蔗饒涎亂涌珠
跳波牀頭一盞堪醉倒不知門外傳更鼉

雪夜泊昏門與蒙泉抵足臥

野泊五湖東迷漫雪滿空水明千雉白人靜一鎧紅亂
櫂雞聲外輕寒酒力中殘年歸夢闊惆悵兩心同

入昏門訪薛孝穆不值畱詩示之兼簡許暘谷

錢玉友

風止澤腹堅高輕不可鑿短篷壓頭臥竟作三日惡賈

客聚連檣荒灣比邨落入羣自歡笑而我無處著遂訪
薛逢居衝風入南部初來殊奮迅欲去轉索冥窮途所

向昧妄冀友朋樂錢許方北歸合并有成約

十日前玉友暘谷自

燕中返虞山期于昏門相晤亦為冰雪所阻參辰在咫尺矧乃道里各天寒

歲偏臘何以慰離索興盡返孤舟獨吟還獨酌

打水詞

寒光射川如浴鐵千艘萬艘陷頑石鑿山通道古有之
河伯憑堅蟻難穴官船自倚人力彊冰椎亂擊船兩傍
船頭乍開船尾結去岸卻泊河中央篙師笑謂官勿爾
世路升沈總如此若將人力與天爭倒卷天河應瀉水

後落葉詩三首

眾葉四散飛。猗翹亦暫停。枯叢剩數點。有如黏塊萍。又如將曙天。尚帶三五星。烏雀聚疎影。夕陽到空亭。時還隨一片。夢化蘧蘧形。

向榮既欣欣。黃落亦槭槭。句將剗觀意。為爾生分別。何如兩相忘。造化本無迹。山僧撥葉至。或嫌門徑窄。吾嬾不出門。門前任堆積。

我吟落葉詩。如與落葉語。年年走關塞。搖蕩愁見汝。馬頭聲蕭蕭。打面風帶雨。吳霜點兩鬢。歸作故林主。故林豈無春。過眼同逆旅。後時感獨立。孰是歲寒侶。

次韻題高江邨先生汎槎圖小影

葛陂龍化杖如仙。欲卷銀河瀉作泉。除是先生能鎮定。波濤入海正黏天。

吳江別張弘遠庶常

南風激船如釋箭。片颿曉發平湖縣。百六十里半日程。第四橋邊一相見。開懷各話別中事。蒼狗浮雲凡幾變。三年善病君差彊。君但憂貧不憂賤。我今落魄仍江湖。明朝又欲辭西吳。酌君之酒與君別。楊花拂頭鬢。雙雪夾浦橋。南客糴孤。雨聲連夜洗平蕪。東風吹淺吳江水。

夾浦橋阻風

半作春潮漲太湖

渡蕪湖關

雨霽前頭水勢寬。曉風吹得散表寒。漸空杆軸憐民困。老閱波濤信路難。此去罟師聊作伴。從來漕吏必朝官。

時官舫為
津吏所困 篋中一卷彈箏集。忍向江山制淚看。自北西
未夏秋間與先兄韜荒同遊
地也彈箏集兄紀遊編名

雨後望九華山

橫看不與側看同。九朵芙蓉竝插空。去鳥已衝殘雨沒。歸雲忽滙夕陽紅。擘開華掌層翠使。盡相飄面面風。終是詩人言語大。攜來直欲置壺中。東坡名仇池石
為壺中九華

大風至劉婆磯

江豚忽掉頭微動。青玻璃俄看黑雲起。遙指西南陸頭。與陸我前橫截。江兩涯拔江噴作雨。白日潛光輝初疑。鼇山傾。又若鱗窟移。舉舟向空擲。綬斷誰能縻。長年束手嘆有力。不得施而我于中流。高枕故詠詩。明知怖無益。聊復忍少時。男兒可憐蟲造物。終見慈旣濟。乃思痛嗒焉。中心脾投文訴江神。略陳危苦詞。水從西南來。風亦西南吹。誰與激使怒。若是不可磯。自我涉江湖。十三年于茲。南浮及北渡。履險閒有之。此胡太酷烈。性命輕嶮巖。仕宦涉江來。揚颿若揚鬚。船尾點畫鼓。船頭插黃

旗天曾涉江來滿載屋羸奇放潘如放馬控縱從人馳
我船何所載載書載鴟夷歷浪一葉輕疾行固其空如
何彊弓彎寸進恆苦運神于我乎薄厚彼寧獨私咄哉
窮旅人初受俗眼嗤揶揄到五鬼漸漸同路歧惟神實
正直倚賴相扶持今朝大戲劇漂泊將誰依待罷似有
感撫枕魂依稀神來入我夢青我大有辭風水渙成文
變化豈汝知滔天初濫觴至險出坦途汝以耳目料何
異握管窺汝又好遠遊遠遊計終癡萬里走從軍還家
仍布衣十年就場屋逐眾趨京師人皆取魏科三黜名
獨遺謂空自揣量息影甘荆扉茲來非官遊又非競刀

雖皇皇義莫取放浪形骸為汝居頗有園園中頗有池
好風嫩池面浮花舞連漪此豈有驚波來溷汝息機汝
自捨之出去安而即危不聞南山隄下有季女飢不見
東海畔中有踏浪兒兩者聽自取決擇休然疑叩頭謝
江神痼疾神所治大夢喚初覺行當早旋歸

題樅陽旅壁

垂夢驚回路已賒。舸艚船上櫓伊雅。青山繞屋無修竹。
紅輿當壚有杏花。野渡漸生沿岸火。春流未沒去年沙。
綠楊影裏初弦月。人隔煙江正望家。

田間先生聞余至自青山命駕來會喜賦

春風彈楫向從陽。舊約多年不敢忘。先生在下送余南歸詩有秋到院江尋舊好可能一四海平交無行輩兩朝軼事在文章問白頭來之句誰與先生特置鄉。一片青山高插漢。巍然真似古靈光。

過田閒先生山居相畱信宿出示藏山集再賦

二章博和

層巒僂瞰萬松梢。中有高人舊結茅。自入鹿門詩一變。竟馴龍性易初交。雲盤遠勢猶翻陣。花作新泥燕補巢。未免累翁雞黍約。往還原不拒貧交。比似仙源那易尋。避人畢竟要山深。誰教鶴恐猿唬客。

來聽鸞歌鳳舞音。語雜談諧皆典故。老傳著述豈初心。好看龍馬精神健。東武時為抱耒吟。

二虎歌 并序

壬申正月有兩虎闌入九江西門外龍關河傷一人已而逸去市人惴惴恐其復至朱恆齋太守齋戒為青躬文翌日大會屬官于城隍廟即灌將軍灌嬰及宋大夫祠下漢九江守宋均既焚牒告神則命虞人挾弓矢火器窮追之期于必獲越五日殪其一至是盡殲焉黃質黑章猙獰可怖聚而觀者數千人咸謂使君至誠感神能力除民害也適余至九江目覩其事作歌以俟采

風者

彭城連山猛獸多。兩虎突入龍開河。腥風恹恹日杲杲。
白晝市上無人過。使君視民如赤子。威鳳生儀慶有趾。
豪彊斂戢盜賊清。爾獨何爲至於此。灌將軍廟宋公祠。
能捍大患則祀之。撞鐘伐鼓會僚佐。第一先焚青。已詞
與神後先俱守土。政拙慚余不如古。慶其父祖及子孫。
忍身爲民飽虓虎。明朝大獵城南園。毛風血雨迷荆榛。
特開一面縱雉兔。死不當罪傷吾仁。須臾虎自林中出。
小者先擒大者逸。雖擒一虎戕一人。其勢公然兩相敵。
此時伐罪更有名。合圍再往大掩羣。潮州鱷魚必盡殺。

不信請讀昌黎文。虞人眼疾如鷲鳥。餘勇登屋鬥牙爪。
咆哮一聲山欲裂。火箭飛空碎其腦。黑章黃質毛斑斑。
旗杠壓肩奏凱還。猶防作力斷急縛。血迸迸出雙睛間。
道傍觀者爭太息。自古神功扶正直。百年凶暴一朝除。
此事知公有陰德。江邊戶戶皆椎牛。從此山無樵采憂。
詩成大笑冠纓絕。我正欲作匡廬遊。

楊花同恆齋賦

散作輕埃。滾作團不成。花片但漫漫。春如短夢。初離影。
人在東風正倚闌。微雨乍黏。還有態。柔條欲上。已無端。
祇應老眼憐輕薄。長自摩挲。霧裏看。

月夜自湖口汎舟還湓城同恆齋太守賦
空江夜東注。月光似俱流。舉頭看青天。水去月自留。移
飄忽。西向月。又隨我舟。而月豈有心。適與吾目謀。激觀
得靜趣。含景無停休。不辭川路長。復此清夜遊。遠樹小
池口。孤鐘鎖江樓。須臾銜燭光。候騎迎沙頭。誰知太守
樂。夢亦同鳧鷗。

魚苗船

幾片紅旗報販鮮。魚苗百斛楚人船。憐他性命如鍼細。
也與官家辦稅錢。

初夏坐煙水亭望廬山二首

一歲明鏡插芙蓉。積雨初晴翠靄濃。萬壑好山看不足。
又添雲勢作奇峰。
分明寫出畫圖工。倒影看來上下同。忽失水中山一半。
浪紋吹皺日高風。

余方輯廬山志擬入山訪舊蹟頗為雨阻恆齋
有作和之

日日開軒對翠氛。勝遊偏阻庶縻羣。不愁湓浦長多雨。
直恐匡山化作雲。紀事欲真須眼見。異書難假信傳聞。
一條柳粟從僧乞。可要籃輿累使君。

午酒初醒

兀兀醺醺坐日斜。爽神全賴闋林茶。三竿砌竹搖風影。
一箭盆蘭得氣花。夢枕易消非實境。丹爐難轉是年華。
江城節物關何事。僅得遊人獨憶家。

蟬蛻和灌園韻

不應已蛻尚名蟬。彈指難畱過去緣。枯比老僧初入定。
輕如羽客乍登仙。誰云解脫非生理。始信飛鳴是後天。
從此蟾蜍無攫意。機心不上七絃弦。

遊下石鐘題山響樓壁

牛羊滿山似可驅。鞭之不動非石乎。懸崖無根乃有株。
老榦亂拔千章榆。嵌空樓閣凌紫虛。列仙遠邀山澤臞。

落星如漚漂大孤。五老拱揖朝香鑪。沙洲銷斷九江脈。
正面全受鄱陽湖。湖波本清如碧盪。下流盡被江所污。
是日大風聲拔木。洪濤倒挾雷霆趨。須臾風止平若鋪。
細聽林籟鳴笙竽。石鐘非鐘扣亦愚。孰辨清越分涵胡。
作詩一笑解者無。四壁自看江山圖。

宋中丞收仲自江西移撫江蘇。邀余入幕。投詩

辭之

此遊本意因廬岳。半載逡巡未謁公。擬東歸。衰向湓口。
送移旌。節赴江東。空煩使命。雲霄上。豈有人才。道路中。
敢謂山林。便野性。倦飛無分。借秋風。

遊廬山詩集卷之三
海寧查慎行悔餘著
長洲吳翌鳳枚菴選
玉函全受播新國
吳日天麻管外木
晴羅林籜馬
和詩一矣箱
采中亦非
此意本奇
遊廬山詩集卷之三

敬業堂詩集卷之三

海寧查慎行悔餘著

長洲吳翌鳳枚菴選

遊廬山道中寄恆齋太守

山行宜寂寞獨往翻踟躕一遇同遊人

謂王琴却

決起興有

餘頗累賢地主聚糧辦蓋輿曉來風色好初日明煙墟
千巖排空來勢若挾以趨但聞空翠裏竹樹聲疎疎我
今心力衰事事不逮初預愁無傑句何以酬匡廬

太平宮

北風江上來吹瓦墮屋角牛羊入廢觀古木一鳥啄問

此宅何神其來已渺邈肇興自唐代廟貌遽樸斲唐開元中

封廬山神為上古神靈封每視三公爵東西南北中高

采訪使者岱恆華霍廬山雖僻左不得列五嶽傲然踞江湖氣象

頌卓犖無端加秩祀屈首受正朔山靈恐未甘孰與一

丘樂黃冠那解此意在宗穰榻昏昏入醉夢舉世呼不

覺神來風綽幡神去雲解駭下視九萬空紛紛蜩與鷺

東林寺

連山衮衮來陡起山門前碩空被偏塞夫卻東南天石

棱瘦筋露礪道枯緩縣不知何峰水流作溪橋泉入門

尋斷碑古迹想白蓮同時十八人縛律如坐禪飲酒不

入社淵明豈非僊

題遠公影堂後水壺泉

影落空堂不記年依然冰雪照蒼顏定嫌人世江湖濁

莫放清流更出山

宗雷禪師索贈

荔支塔古名僧少誰是堂中十九賢好乞謝公池畔水

為師重長一枝蓮

題東林方丈

浮嵐疊翠福崔嵬三面周遮一面開我欲向西添小閣

盡邀九十九峰來

西林寺贈魯宗上人

夕陽在西林古塔支青天中有六朝寺門古不門妍樹
頭一朵雲渡水俄爲煙老僧送客罷倚樹聽涼蟬

遺愛寺小憩

侍御遺蹤已久蕪盤盤樵路極縈紆萬竿藏鷓初迷寺
一覓分泉直到廚勝地乍來忘過客衰年漸欲信浮屠
木犀香裏逢僧話石上三生記得無

講經臺次昌黎青龍寺詩韻

城中望山如握管寸碧抽蓼目光短罡風掣我絕頂來
地少雲多鋪滿滿一條江水拖細線四面天形單圓傘

鶴經枯樹或隨翎龍去空潭不畱卯何人結茅荒山頭
米磬齋廚爨長斷豈惟米磬水亦竭兼值今年連月旱
秋陽炙背汗透衣客到苦催供茗盃老禪對客大嗚噓
指說茲遊太荒誕休誇筋力尚餘應慮續年行莫莫
陸機賦傷積年之莫莫 偶然飢渴所不免前路茫茫預難算省生

破寺例乞食此去溪山漸無伴雨襟風帽好自擔垢腳
驚顛向誰灑奔馳不定覺客忙應接無端累我懶白頭
住山年六十投老安心就閒散芒屨不踏戶外塵坐看
欽崎化平担遠公歿後經臺廢世外名僧近尤早談天
高論久寥寥一聽清言真款款此來得此吾有幸大似

冬寒變暄暖好奇歷險亦何爲語不在多微中窺浮情
一半爲芟除相別出門行步緩

大林寺向上人茅齋

盤煙下層霄山骨微負土陰陰日光澹漠漠風氣古寶
樹盤橋低一溪環菜圃香山舊吟地花徑兼宿莽廢寺
亦荒涼半間用茅補孤清耐久坐客至何必主林靜無
匿聲虛檐應樵斧

洪武御碑歌

昇仙臺前白玉碑柱石擎攬龍之而鴻文載在御製集
初不假手詞臣爲我來摩挲一再讀顛者蹤迹大可疑

憶昔元人失其鹿羣雄角逐爭驅馳濠州布衣人未識
芒陽雲氣常隨之金陵一朝定九鼎六合不足煩鞭笞
是時楚兵最剽悍不自量力來交綏國家將興有先兆
天遣來告貞元期明明天眼識王氣故以險怪驚愚蚩
英君徃徃謀略秘計大不許尋常窺亦如田單破燕騎
神道設教尊軍師不然茲事乃近誕小數何足誇權奇
白旄一麾江漢靖軍前長揖從此辭雷戾自伴赤松去
穀城空立黃石祠天池之山高巍巍竹林仙馭杳莫追
鶴歸儻記石華表世代已逐滄桑移百年雨露在山澤
惟有松柏參天枝

聖燈塔

見說文殊谷神燈照夜明山僧從未見高臥過三更
晚至萬松坪
論谷量松不計株參天一片翠模餉明朝五老峰頭望
又作蒼雲滿地鋪

五老峰觀海繇歌

峭颿昔上鄱陽船我與五老曾周旋兩塵相隔骨不仙
蹉跎負約十四年近來稍知厭世纏筋力大不如從前
扶行須杖坐要履絕境敢與人爭先山神手握造化權
走入南極分災壘鞭羊欲從後者鞭假以半日登高緣

風清氣爽秋景妍芙蓉千丈開娟娟長江帶沙黃可憐
湖光淨洗顏色鮮背負碧落蓋地圓尺吳寸楚飛鳥邊
初看白纓生棲賢樹杪薄冒兜羅絲移時騰涌覆八埏
四傍六幕一氣連滔滔滾滾浩然渾沌何處分坤乾
近身扁石履一拳性命危寄不測淵陽烏抵撲光倏穿
飢蛟倒吸無畱涎以山還山川自川五老依舊排蒼巔
來如幅中裹華顛去如解衣禮兩肩酒星明明飛上天
人間那得畱青蓮此時此景幻莫傳頃刻變滅隨雲烟
徧遊鈴岡嶺下諸禪室

山僧住山久不道溪山好山下每相逢山中迹如掃禪

居既窅窅過客亦州州林荒鳥語斷葉落寒氣早物外
識閒情誰能耐枯槁

早發萬松坪

昨登五老峰足力鬥輕矯靚投茅舍宿睡美不知曉豈
惟廢鐘魚林宗少棲鳥起來見晨旭殘月猶雲表山谷
催早涼雨多晴恐少迨茲好天氣我興殊未了

苦口下山

匡南古道誰開闢縣潘垂絲通一脈劣容半足百八盤
直注雙眸五千尺靈區再上苦不易步步別山多可惜
舉頭卻望昨所經似到蓬萊今被謫

三峽橋

涉山須到顛尋水須到源我從泉源來送汝歸山根山
流九十九併力同作喧前行經玉淵盡為潭所吞既吞
不勝受含雪空中歎急峽跨飛橋約束過其毒一條天
矯龍中有跌斷痕挾此萬古怒轟轟爭一門遊人不敢
近足底防瀾翻松風吹細雨到寺將黃昏

棲賢寺阻雨示首子禪師

六尖峰。羶一煙。鴈五老。神情皆下俯。攜來杖頂。昨日雲
灑作。鐙前夜來雨。石頭路滑不可行。遊人早起祈天晴
禪翁勸我且喫飯。同向空堂聽水聲

雨後再至玉淵潭觀水勢

著屐重來又一奇。飛流十丈躍龍池。不知雨點添多少。跳沫粗于白鷺鷥。

白鹿洞書院 四首 之一

古洞盤旋路欲封。到門無樹不喬松。陰森前後三重殿。突兀西南五老峰。兵火縱教仇典藉。蟲魚何敢蝕蛟龍。

書院中有 御賜十三經 二十一史及 御書二額 昨陽岳麓全荒棄。畱得官牆

儼辟雍 書院舊名廬 山國子監

○王文成紀功碑

明朝制科號得士。吾鄉前輩尤絕倫。于公王公後先出。

崔崔艱大投其身。朝廷坐收養士報。倉卒定變皆儒臣。正德己卯夏六月。逆濠犯順江湖濱。公然舉兵思向關。三郡一闕生秋塵。皖口駸駸勢將下。畱都岌岌恐震鄰。是時海宇正清晏。武備缺略久不振。公方持節撫南贛。似可觀變徐還述。同仇大義憤所切。守土敢限越與秦。出師必待九重詔。是謂以賊遺君親。飛書插羽聲罪討。攻所不備真如神。自從擣巢及執醜。通計時日纔兼旬。軍門戎首已面縛。天子鞞路方南巡。石頭城南獻馘罷。待命行及明年春。周公東征尚跋屨。形迹距可拘忠純。盈廷宵小古亦有。忌者愈眾節愈伸。初心祇期濟國事。

豈必畫像圖麒麟。茲山勒銘蓋有故。溪刻歲月題庚辰。
紀功非夸乃紀實。書法通勁詞溫醇。首從伐叛敘始末。
繼舉神武歸丹宸。天方嘉靖我邦國。誰其紀者臣守仁。
隨征官屬例得列。惜哉名姓今俱湮。讀書臺傍一片石。
百四十字磨崖新。逸事吾聞長老說。弘治乙榜凡三人。
後來立朝適共事。數本前定非無因。胡發其奸孫殉難。
公乃一手回千鈞。弘治五年吾浙鄉榜公與胡公世寧
孫公燧同舉其年場中見三巨人傳
為異事及宸濠之變胡首發其奸孫燧燧勳業本德性
以巡撫死難三人共此事亦一奇也出遇世會開經綸。曾諸百世可無惑。似此理學寧非真。
後來輕薄好詆毀。撼樹不過欺愚民。如公表見猶未免。

此外何以加冠巾。手摩碑碣發長嘯。白日皎皎縣秋旻。

玉峽亭觀瀑

女媧煉石手年久。漏微罅銀河忽垂天。峰頂擎二華。陰
寒透毛髮。觀者初可怕。從來所路高一跌。心就下龍歸。
爭窟宅。思以一戰。霸雷霆。震巖冬冰。雹炎夏衝。成井
萬丈避去石。三舍束身峭壁。傷俛視若出跨。相持勢難
合。掉尾竟傾瀉。來者競宣蹶。逝者已代謝。風林延靜聽。
漸遠似分叉。綠絲絲車鳴。泱泱糟牀醉。盡平震蕩心。坐
以觀物化。

五乳峰下望黃巖瀑布

五峰融乳氣流漚一穴洩雲聲滿空落日正縣高樹杪
行人卻在雨絲中

月下步入鄰菴同果公

尋山翻苦忙忽忽度長日衰衰撫良夜清景殊未畢鄰
僧閉門早避月不官出客來啟柴門帶月入雨室空堂
琉璃暗古佛黑如漆不有好事人清光為誰溢

遊山歸錢越秀呂灌園出示見送詩戲答二首

一卷新詩吟不盡歸來只與未遊同野人曾次無宿物
好景仍在廬山中

千古才難洵不疑敢將輕薄入文詞眼空除是東坡老

笑得徐凝瀑布詩

自題廬山紀遊集後

半生讀書不得力浪走風塵嗟暮色名山五岳杳無期
此日匡廬面初識千秋物象遞顯晦幾輩聞人官登陟
謫仙頭白儻歸來白石清泉聞太息獨攜瘦杖扣石鏡
雙眼快對晴空拭已知絕境少豺狼那怕荒蹊犯荆棘
雅飛不到力有限龍起無時神莫測橋邊聽瀑響淙淙
峰頂看雲松謾謾三秋忽變候寒暑半月略盡天南北
偶然興至或畱題聊藉微吟豁曾臆詩成直述目所覩
老矣焉能事文飾仙靈幽秘苦雕剗雲霧蒼茫每淡匿

忽逢生客一呈露。可惜無才收不得。歸塗面莽方自嗤。
遊。況息忙誰見。逼人閒。涉。歷。多。稷。滯。祗。此。一。途。猶。未。塞。
皇。天。亦。似。閱。汝。窮。志。爾。窮。揆。無。吝。嗇。如。何。汲。汲。向。城。市。
若。赴。嚴。程。拘。漏。刻。他。年。終。伴。采。芝。翁。臨。別。有。言。吾。敢。食。
雙。加。雷。別。恆。齋。太。守。次。見。送。原。韻。
小。住。衙。齋。忽。半。年。河。梁。只。在。一。尊。前。重。攜。風。雨。登。山。役。
又。上。江。湖。載。酒。船。有。此。別。離。成。我。老。無。多。才。調。感。君。憐。
蘆。花。楓。葉。殘。秋。路。不。聽。琵琶。也。黯。然。

早過大通驛

夙霧纔醒後朝陽未吐閒翠煙遙辨市紅樹忽移灣風

軟一江水雲輕九子山畫家濃淡意斟酌在荆關

斷硯歌寄和姜西溟

姜侯才高同屈宋徃徃彈冠讓王貢舉場老負十上名
史館貧支廿年俸硯田一片羞自給略似良農勤莚種
為言此石初得時愛與端瓊稱伯仲

端瓊亦西溟藏硯

每因拂

拭誇友朋未許收藏付僕從平生不以文滑稽滴露研
硃事修綜窮經恥勿州太守給札雄堪賦雲夢不知磨
耗幾挺墨書到成家筆方縱可憐尤物難久完識者何
希忘何眾秦城十五不輕易博浪一椎翻誤中有情那
免號癡絕足則荆和抱淡痛唾壺口缺琴尾焦笑此依

然配清供作詩聊用解客嘲屬和無端邀我共我今所
見與君異嗜好心空色不動膠聯漆附終有痕來詩有膠聯漆
附太堅豈比天生本無縫勸君撥棄勿復道瓦礫寧當
較輕重君苗焚硯古有諸持此區區欲安用

春夜飲曾濟蒼宅同徐淮江

春波門外如鉤月六里長街未上燈花徑初除三尺雪
雅人相對一壺冰窮愁老境尤貪酒樂事新年在得朋
從此兩湖添地主余向寄淮江詩有兩湖地主惟君在之句每逢高會約徐
陵

次韻答實若

被褐時方輕垂綬古有戒匪材等樗櫟不熟讓稊稗感
君勿我棄假館同瀟灑城隅積水潭浩汗匯眾派未苗
綠油油窗戶明噲噲棄之為馬廐放眼靡所屆庶幾東
閣中得士稱一快吁嗟及時事忽帽疑近隘各隨出處
緣兼守廉隅界短檠光煜煜缺月東南挂對牀連夜語
里耳聽竊怪非無蠅聒噪亦有鼠黠獮集津本好音飛
鴉吾豈解孤生分表賤舊業棄土崩腰非長揖具沉疴
望塵拜誰能將肺肝稿忽供裂眦鈞鈞聽曲直碁局付
成敗似聞逐客議振觸動機械時臺中有條議國學世
或指鷹鷂吾其避蜂蠱國家有大計叫野擊徒搯言官

例毛舉通病詎能瘥公卿非不知相視各禁斷可憐文
廟柏祇用便馬疥駱除由廡下梁木孰支壞議難決一
朝吞吐苦不噉將母國體傷識者為嘆喟君詩雖有激
風義實詰誠布衣何足云道路未償債炎埃蔽赤日六
月迫行邁山田歸及耕書籍行當賣勞筋應自息倦羽
非入鍛得卷心已空須彌堪納芥

涼水亭與唐實君話舊

鏡裏清光落檻前水風涼偏鷺鷥肩菰蒲放鴨空灘雨
楊柳騎牛隔浦煙雙眼乍開疑入畫一尊相屬話歸田
江湖詞客今星散冷落池亭近十年

唐實君作憎蠅詩可補歐陽賦所未備僕不復
鬥奇戲廣其意得五十韻

吾觀大化內鼓物同洪鑪介羽及昆蟲種類何各殊摻
羅列瑣碎終非磊落儒聊為夏僕數庶用資柳榆飛者
為蜻蜓穴者為蟪蛄在戶為蠨蛸在檐為蜘蛛微明耿
熠燿背殼潛蛻蟬薄腋扇挾捷細腰祝蒲盧螻或鳴于
泥蚓或歌於塗絡緯織作巧糞蛭轉及愚螳螂怒當輪
蟋蟀勇首喙堆積走蝟蝮腥羶集于駒與入了無害聽
彼繁有徒蠖蛟險如蛾子蜂大如壺鈎卷音蠖刃利鉞
聚蝨雷齧刺毛有瘁肌蠶尾有嗜膚昏昏蟲在禪趨趨

蚤躍襦偏人雖吐吐懷毒終區區惟蛇獨可憎其來胡
為乎汝。於耳目前本不關有無汝狀極醜惡偶儻妝頭
顛赤幘同一冠青蒼別形軀兩翼六其足公然學讒夫
汝生本臭穢行與糞壤俱只合老廁圍何當闖靴籠無
端附驥尾馳騁遊莊衢無端入絹素點染捐畫圖有時
集于瓜學士羣昨盱有時止于棘詩人互嗟吁聲非雞
則鳴例與狗苟呼此特論大概未足蔽厥辜客從長塗
來翻襟汗流珠解衣覲少憩喘息猶未蘇汝何太相偏
伺隙窺門樞我眠晨未起汝偏攪牀敷我起頭未櫛汝
又環座隅我飢進盤餐汝貪善為狙我閒弄筆硯汝飽

戒墨豬汝朕我合瘦汝眾我則孤我欲廢飲食汝方溷
庖廚汝于我何尤抵死相迫驅營營惑人聽有若操契
符貝錦抱萋菲不祥等訓狐懷中三寸壁點污生瑕瑜
架上一卷書棄擲消樗蒲凡此皆汝罪誅之不勝誅逝
將避汝去行行復踟躕我力故難勝汝情諒應輸天下
正一家能毋懷此都乘炎且快意吾寧忍須臾

移榻自怡園雨後納涼

水轉橋迴路幾層此中真可避炎蒸陰成繞屋三年樹
光吐疎籬半夜燈明月忽隨殘雨到微風已作早涼徵
野人肯領田園趣歸思翻從借榻增

晚行裂帛湖上觀水勢

西山夜來雨暴漲聲辟易昨日與橋平今朝露水欄晚
來現盈縮又減三五尺一條修尾蛇東向投遠碧菰蒲
盡偃仆上帶泥土迹我欲追躡之前行泱磐石初疑遇
壯士拔劍斫其脊徑開中已拆首尾猶跳擲卻坐石上
觀平心隨所適有如杯底影仰面意旋釋人生駭愕緣
多同蹠長隙歸來虛室中靜見鼻端白

青龍橋

甕山西北已溝上指點平橋接碾莊自甕清渠成石竭
盡迴流水入宮牆殘荷落瓣魚鱗活高柳飄絲鷺頂涼

不礙寒驢行蹩蹩有人緩轡正思鄉

玉泉山

銷夏誰知別有灣孤雲一角截西山千家舊業蠹魚國
十里提封虎豹關闌楯離離金碧上歌鐘隱隱翠微間
清泉自愛江湖去流出紅牆便不還

玉泉山舊為金章宗避暑地故首句

云

題相國永城李公所藏崔白健翮風圖

墨花一柄風翻荷一葉展仰正不頗傷添一葉作敬蓋
上有健翮如天駭初飛未高去水心已覺遠勢無江湖
生絹八尺畫止此妙手落墨寧誇多流傳要自北宋物

幸免小印鈐宣和若教弄藏入秘閣靖康那得逃干戈
永城相國鄴侯喬牙籤三萬森駢羅故家世寶此其一
鑒賞精絕知非譌華堂五月開示客几席瑟瑟生回波
君不見濠梁大圖徑三丈天女織絹鳳擲梭江天十里
尚無恙賴有好句傳東坡
東坡有題崔白大圖詩見集
中白濠梁人故稱崔濠梁
人聞真蹟久難恃閱世容易千年過我詩淺薄不足道
請公自賦塵風歌

陸澹成侍講新葺書齋名懷鷗舫招同人雅集

分賦

江湖宛在小窗前復欲從君借榻眠夢作白鷗歸未得

蘆鄉亭外水如煙

寒夜同王令貽魏水邨顧書宣家可亭姪集楊

晚研庶常齋分韻得寫字

官閒門徑僻歲晏人事寡飲俗謝交遊往來惟舊雅
僦居適相近踏凍免騎馬巷北召王猷巷南邀魏野顧生
住西弄寓舍喜新假我至毋劇飲招呼臂同把北風吹
新晴城上烏啞啞寒光潑初月殘雪猶在瓦此時不作
達可惜白玉碎地松翠成道水族鮮製鮮盤餐婦鄉味
口似暮頤吟鄰沽雖稍甜轟飲亦聊且
晚研以不得佳釀故其詩有濁
酒甘同眠我生頗知分即事有取舍足如熊掌魚那得
惡人之句

兼二者十觴竟連臈塵面爲一赭主人負詩才擘紙給
揮灑敢辭彊韻押數子賴陶冶吟從夜枕續臥聽街鼓
打所恨不善書當令阿買寫

僕舊有青田凍石一枚歸晚研六年吳項遇范
子方仲于京師范精于篆刻許爲我摹小印而
此閒覓佳石不得意欲晚研反我故物作詩先
鑿石雕蟲魚此舉誰作備後來琢山骨僧比大小珙匹
夫懷奇珍惴惴初抱恐連城既入趙負曲敢虛擁和璧
竟歸秦陋邦手徒拱自茲嗜好捐萬事成闡草殘編任

飽蟲逞筆詎銘冢空憑咄咄書硯之纖纖捧何當結餘
習徃徃吟肩聳好事偶分箋塗雅每慚悚丹砂綴小印
紙尾母已完范子故見嗤刻敝實非種擲地作石聲從
傍乃慙慙當時中筭蓄有若蛾化蛹去我今六年居然
戀新寵刻丹勞記劍觸物心猶疎昨日聊叩君機鋒鬥
鍼孔祕藏戒輕出防我欲好勇攫之寧非顛健者豈惟
董輸攻力易竭墨守計仍鞏不如且姑緩靜俟天倪動
奇巧出窮人詩端忽噴涌明朝走尺蹠待命不旋踵盟
渝息壤舊歸視汶田重在我猶在君報章行及奉

晚研見和前篇謂余有新蓄壽山小石援東坡

海石之例欲以此易彼重違其意割愛分贈二
枚再次韻速其踐諾舊石之歸有日矣來翰有
邀令貽水邨書宣三子屬和之語兼以示之
假道益有由兵端曾始備君如早識此堅壁卻吾拱
逵。巡。不。入。境。下。邑。方。惶。恐。奈。何。昧。厥。初。納。賂。覲。私。擁。青。田。
吾寶重掌握夫把拱豈無佗山攻頑礦棄紛茸壽山快
新得餘子欲奪家炯然珠玉光入掬似可捧圓者廉角
殺方者風骨聳昨偶出示人傷觀盡驚悚老夫喜省事
羅列稍嫌冗因憶巨璞完吾家有遺種作詩乞故物致
語極慙慙兩日繫我懷有若絲纏蛹君初非豪奪繼乃

絕於寵故以文滑稽發端特高疎錙銖青報施計竿到
秦。孔。平。心。怯。小。敵。今。見。大。敵。勇。官。為。城。下。盟。執筆。恥。南
董。相。持。兩。不。決。京。索。成。皋。舉。飛。書。奏。奇。功。小。利。戒。輕。動
叩關索敵賦彼勢猶洶涌割愛忍須臾禮成門欲踵中
原有好會信義鄰邦重後約勿更渝敦槃吾將奉

門神詩戲同實君愷功作四首

賺得兒童仰面看影纓衽服最無端國門佗日曾縣價
駟儉何人敢賣官丞相魚魚工擁笏將軍躍躍儼登壇
星奴結柳翻多事五鬼爭彈貢禹冠

揚着氣色任充閭比較門風孰不如幾見華楹畱故帖

偶繙新歷當除書閤能拒客非關汝錢可名神儘讓渠
久閱人情吾勿怪過時光景合交疎

虎豹森森列幾行誰教翫麟倚門傷通侯湯沐虛傳漢

陳平封戶牖侯進士科名尚冒唐用鍾馗事魚鑰同時司啟閉崔羅

終歲有災涼相逢白日多魑魅亡與先生卻掃方

戾戾歌裏撥寒灰歲酒逡巡酌一杯凡鳥有人題字去

冥鴻幾箇挂冠回好官第宅多相望野老柴荆有浪開

直與歸人占吉夢也煩呵護不祥來

蘇東坡德州同年李文眾招集見可園

東風有約出京華須擢相尋到水涯得地百年因種樹

留春一日為看花明日亭臺縱好須賢主子弟多和必

世家直得此閒成茗芋甕頭墨露不須賒墨露德州名醞也品在盧

酒之工

新河

別穿地脈轉龍腰新插荒隄柳萬條故道視同甌脫地

小兒爭唱復陂謠陽侯受職工粗就幽鬼唬墳骨已銷

莫道沿河無善策主恩存歿冠羣僚

原蠶行

邨東邨西桑葉綠頭蠶不熟二蠶熟薄于片紙白于脂

五月南風齊上簇鏢車聲中湯百沸出釜持將易斗粟

去年苦旱秋不登。民命全憑寸絛續。我聞周禮有成法。
一歲不容蠶再浴。蠶多害馬理則然。物類區區別田畜。
國家官馬百萬彊。惜薪監督煩曹廊。口外官馬設內務府部中歲收馬矢
變價歸原蠶微利幸無禁。勸汝努力須栽桑。田夫暑雨
惜薪廠多咨怨。不如且喫蠶娘飯。

沈客子舊寓都門所居名獨樹籬自撰七言古
詩曹實庵錢玉友湯西厓皆有和章今來索余

補作仍次原韻

沈子清才在塵埃。有如茵茵生淤泥。又有服與駕鼓馬
下有逐雷追風蹏。青衿早為命所制。百獲未了酸寒齏。

三年四門作博士。啄粒亦到官倉稊。人間秘紹本易識。
孤鶴氣壓千章雞。家家朱門當大道。爾獨隘巷尋卑棲。
歸來欠伸看礙戶。一笑入戶頭仍低。空庭得樹翻自喜。
有滄仰視雲萋萋。忽驚霜禿九秋幹。旋見雨長三春莢。
隨巢晨拾赤脚婢。落葉夜掃長鬢奚。問君此間亦何樂。
乃挈褙子攜山妻。狂來對客發高論。塵柄手捉談天犀。
北郭槁枝聊隱寓。東方宴藪真滑稽。孤松祇空伴彭澤。
五楸大可娛昌黎。翻身買權竟南下。野性終近溪山麝。
故園喬木正合抱。町疇傷接澆花畦。昨非今是恍夢覺。
涉脚尚淺寧終迷。伐檀河干等無用。美哉河水清連兮。

嚴灘早發

統如鼓打巖頭戍催起。栖雅天未曙。飛星過水如有聲。
苦霧迷津忽無路。長年眼昏。手心熟。已報前灘暗中度。
遠氣朦朧日射穿。秋光紅上巖陵樹。

登寶笈樓

斗杓倒插勢凌虛。高出城端五丈餘。一雁下投天盡處。
萬山浮動雨來初。別開戶牖通呼吸。傍引風雲入卷舒。
八詠門荒詩境改。讓佗仙子占樓居。

歸舟雜詠

六首
之二

南遊何事太悠悠。及取歸颿半月中。轉盡清溪三百曲。

萬株烏桕一霜紅。

恨不清江處處灘。一聲鳴櫓下奔湍。來船莫如歸程速。
我亦曾經上水難。

晚至西興

魚羨論斗米。論斤鱗膏。壁齋鼈割。常豐年亦覺。旅食好。
一飽愧與居民分。詩人好遊無定處。乘流則行。坎則住。
吳山滿眼待登高。暮雨西興挂颿去。

敬表二首

中道誰能復棄捐。蒙茸雖敝省裘綿。曾隨南北東西路。
獨結冰霜雨雪緣。布褐不妨為替代。綈袍何取受人憐。

敢援齊相狐裘例尚可隨身十五年
冷暖相關老倍知黑貂何必勝羊皮
畱同敵袴非無用好比緇衣或改為
取醉難償邨店值有人還當釣表披
家貧舊物無多在不忍吹毛更索疵

淮浦冬漁行

長淮水涸成溝渠風雪夜折荒洲蘆
小船沖沖鑿冰去水面躍出黃河魚
衝寒捕魚作漁戶手足皸瘃無完膚
三時轉徙一冬復淵藪偶寄蝸牛廬
無田不得事農業有水尚欲輸官租
自從十年淮泗滿平地受滔天湖
誰驅鱗介食人肉漏网幸脫鸞刀誅
得時鼃鼃聚窟宅

失勢魴鯉充庖廚眼前竭澤有餘憾
取快報復聊須臾但看明年春水上
魚鼈又占居民居

逆旅行

行人為客居人主聊以稱呼代爾汝
入門不揖出不辭主今知客卻為誰
等閒無事休為客幾箇相逢尚相識
相逢相識非不多賢於逆旅能幾何

宿遷遇巡河使者

使者冬行水居人歲避河暫時停
蒼扃何計脫風波賦斂殘年急提防
下策多皇華期盡職報稱意如何

讀白奔山人詩和愷功

三首之二

亭長臺邊一酒徒。仰天故作大聲呼。氣驕星宿生芒角。
手擘山川入陳圖。急縛何人櫻怒虎。叢祠有鬼託秋狐。
眼空江表衣冠族。猛筆猶堪殺腐儒。

人謂狂生本不狂。漆身吞炭事何常。亂餘賓客投亡命。
散後英雄恥故鄉。寶劍塵生三尺水。麻鞋寒踏九州霜。
隨身一掬瀾。翻淚不哭窮途哭戰場。

題楊次也所藏朱北山墨繡球花

春風壓簾吹不動。簇蒂攢莖密無縫。美人纖手搓欲圓。
嬌鳥一梢低更重。駢枝倒挂玉蘂仙。暖氣散作藍田煙。
粉痕洗盡墨光出。自有此花無此妍。

料絲燈史耕巖學士屬和卽次原韻四首

勿論萬縷與千絲。似密還疎製絕奇。玳瑁筵前凝作片。
珊瑚四底爛生枝。華堂金屋年年換。錯采衰花種種宜。
表裏孤光原洞達。曾騰醉眼任斜窺。

宛宛長廊小院東。瀉絲不斷望疑空。巧穿鍼孔玲瓏影。
吹透冰肌綽約風。簾幕花深長帶霧。畫圖山淺忽生虹。
琉璃太肥紗紋薄。獨愛韜光黯澹中。

更從何處著纖塵。亞字文回古錦茵。斜拂楊條藏語燕。
密牽荇綫過游鱗。翳筋桺骨書家格。吳帶曹衣鏡裏身。
併作清輝開四照。不勞明月吐芳津。

駢枝儼葉枝同稱點墨何愁誤不興射角星芒殊眩眩
照人風骨自稜稜金波蕩月成方折玉氣生煙隔幾層
還與石湖添紀事詩家新賦料絲燈范致能有上元吳中紀事長律所載
燈名甚多獨不及此品

友唐寓居孫公園與實君蒙泉高木同巷僕及

西溟聲山相距稍遠友唐作此鄰詩二章亦來

索和因次實君韻奉答

馬蹏纔過又車輪廣術相逢亦太頻不惜徃來隨步履
預防倡和損精神過牆濁酒能供客鑿壁餘光僅借人
便與中央成鼎足姜居西舍我東鄰時余移寓琉璃廠東

造門不見等離居俗例持牢急破除余兩語友唐僮約俱阻于閤

一條申典謁客談幾處省傳書巷連畢曜空相就雨過

蘇端甫見疎添取新篇為日課與君直似共鄉閭

友唐復次前韻見寄恐其有督過司閤之意再

疊韻解之二首

過門何啻十朱輪只有窮交不厭頻語帶滑稽吾是戲
藥清摘發爾如神天應勿拒重來客花亦爭窺舊識人
從此得閒須徑造巷南巷北總芳鄰

老屋西頭勝儼居門前無灶不須除未妨排闥來驚臥
且喜還瓶甌借書蹤迹漸同詩境熟形骸終要禮文疎

他時野老曾平席記得漁樵狎里閭

豆腐詩和楊芝田官坊四首

服食神仙事不難。爐牀幾轉便還丹。世傳淮南以凝來

石。髓風猶嫩點出春酥露未乾。倒篋易償鄰壑。變直顧名。

原合腐儒餐。人間買菜多求益。休與先生溷一拌。

麵瘦熊肥兩不知。太常終歲是齋期。半炊土竈煎其火。

一頃山田種豆詩。饕子負家光染指。厨娘纖手竝凝脂。

來其鄉味君休笑。三德虞家有贊詞。見虞伯生集

滑可流匙勝冷淘。不爭舌在齒牙牢。渾忘肉食聊名儉。

偶佐邨沽亦足家。烹雪也宜施翠釜。割雲初不費銀刀。

胡麻別試山僧法口腹窮奢笑老饕

茅店門前映綠楊。一標多插酒旗旁。行厨亦可吐嗟辦。

下箸惟聞魚豉香。華屋金盤真俗物。臘糟紅麴有新方。

須知澹泊生涯在。水乳更融味最良。

戲題曹希文寫生蒲桃圖

東郭鹽成陽治朝。入羊真騎馬生不願。封萬戶侯亦不

願。領西涼州但願蒲桃垂乳比桑葚。日日飽噉只學林

閒鳩。若使一官值五斗。家家爭釀蒲桃酒。枝頭無紙上

有誰能截取老僧手。圖寫鑿上人畫

石馬山莊為王咸中賦即送其南歸

十載才名滿帝都。明朝襍被竟歸吳。重穿曲逕尋蒼隲。
獨上高樓望太湖。放艇有人春載酒。打門無吏夜催租。
眼前此境殊難得。或恐桃源但畫圖。

三月十六日同西溟實君蒙泉研溪六謙高木
東隱石城友座永年向濤霜田亮功次也南陔至興

聖寺看杏花三首

弄。裏。風。微。不。起。沙。野。田。分。路。走。三。鷄。十。年。失。計。仍。爲。客。
一。醉。無。名。特。借。花。白。塔。似。招。遊。子。騎。青。旗。錯。認。美。人。家。
金。丸。落。處。休。輕。逐。小。立。逡。巡。避。鈿。車。先經摩訶
菴不得入

幸是韶光處處同。勝遊隨意轉芳叢。別開香界松林外

遙指煙邨杏社東。黛色濃添三面綠。日痕微減一分紅。
只須十步凌丹閣。多少花頭在下風。

及記當時載酒遊。舊題幾壁拂塵雷。重隨客到僧猶識。
不待人言我欲愁。收笛聲中芳艸路。鞭絲影裏夕陽樓。
花開花謝年年事。豈料傷春易白頭。

陸澹成侍請招飲丁香花下同西溟真繩寄亭
作

花繁葉密暗回廊。高放庭空特撒牆。翠幕雲遮天四角。
紅。鎧。人。醉。樹。中。央。春。辭。小。院。離。離。影。夜。受。輕。衫。漠。漠。香。
曾是昔年連榻地。重來容易感流光。

丁卯巳巳間與家
荆州兄盤桓此地

最久故
及之

宣德素鼎歌
為山左李繩其作
西方金苗變黃白
躍冶辰砂歛成赤
神工范出形製奇
不用雷紋鑿鑿餐
腹圓口直中央斂
一綫紫腰起四凸
其高四寸下半之
其厚三分傷稱溢
以衡測重斤踰二
宣德小鑪重者
不過二斤四兩
以指量圍弓滿的
寶光蒸出雙耳環
濃乳垂為足三隻
膏流似覺層波涌
肌潤何愁熾炭炙
瓊瑰碾紫柔作團
鞞鞞凝紅嫩將滴
照來秋魁敢逃影
吹去雲煙不留迹
神光離合乍陰陽
氣候盈虛異晨夕
世人好古搜歌舞
耳目遺亡闕金石
此鼎傳從宣德年
居

然上與商周匹
國家元氣在宇宙
百鍊千鎔聚精液
後宮侍女罷熏香
講殿中宵尚前席
曾從天上拂袍裊
一落入閒似淪謫
忽經吾眼真可憐
尤物無多增戀惜
君不見城南片雨
朝來急電掣金蛇
飛霹靂玉川破屋
那許雷萬丈光芒
穿四壁

新樂有感

客路息息過定州
鮮虞臺下少遲留
輿圖西漢中山國
恩澤先朝外戚侯
支棗詩成歌樂土
種瓜人去感新疇
眼前景物全非昔
細州鳴駝一段秋

鉅唐道中

要害畿南在必爭時危徃徃屢稱兵居人不重戾邑里
過客猶尋石勒城雲挾常山蛇尾動地連汾晉犬牙成
如今不用論形勝徐秦秋郊一望平

曹操疑冢

分香冒履獨傷神鼓吹聲中總帳陳到底不知葬骨地
卻教臺上望何人

不見施汴梁雜詩

八首

梁宋遺虛指汴京紛紛代禪事何輕也知光義難為弟
不及朱三尚有兄將帥權傾皆易姓英雄時至適成名
千秋疑案陳橋驛一著黃袍便罷兵

關吏行

大農按籍加關稅小吏乘機搜瑣細吳中支港夜不行
水柵却橋晨尚閉歸人癡絕良可歎枯蒲帶土包牡丹
壓馱馱增騾價肯入船船重關津難有情對雨應惆悵
近日花網皆北上獨攜此本向江南無怪柳榆兩相向

敬業堂詩集卷之四

海寧查慎行悔餘著

長洲吳翌鳳枚菴選

雨中發常熟回望虞山

錢生^玉約看吾谷楓輕寒短櫂來息息夕陽城西風氣

緊正值萬樹交青紅天工似嫌秋太濃變態一洗歸空

濛湖波蒸雲作朝雨用意不在丹青中大癡死後無傳

派北段溪山復誰畫老夫新句亦平平要與詩家除粉

繪

吳江田家行

敬業堂詩四

高田去水一尺許低田下湮流沮洳半扉潦漫尚畱痕
兩足泥深難覓路土牆墮塌茅屋倒時見牽船岸上住
家家得太湖魚米少魚多無換處朝廷聞下寬大詔
今歲江南免田賦野老猶供計畝租官倉自貸輸糧戶
田家田家爾最苦有錢何須鑄農具半生衣食在江湖
膏。指。揚。颿。從。此。去。

南湖舟次逢魏禹平歸自濟寧余將往皖上二
首

低田幾稜菜花雨野水一灣蘋葉風卻向家鄉話京國
小桃猶是別時紅

煙雨迷離港脉斜葑湖水落吐圓沙春波門外春颿影
君是還家我別家

順風無颿戲作短歌

風頭滾滾浪花白銜尾鄰船開絡繹千檣多作挂颿行
弦。濱。虛。弓。箭。初。釋。開。翎。一。一。雁。投。渚。騁。足。羣。羣。駒。過。隙
同時離岸我獨遲我坐無颿聊挂席偶然利鈍各有數
相去寧須論什伯來船未必盡無颿笑爾有颿風又逆

董文敏臨米天馬賦卷子真蹟余弟德尹以十
二金購自青骨董某家鑿微上人貽書張介老
謂為遠客攫去足值五十金介老作長歌紀其

事呼弟為惡客且云此公詩歌妙絕特削其名
氏正欲寄元激之使戰語帶滑稽其實乃淡忌
之也時德尹已北去戲次原韻即效介老體并

示鑿公

古來善書者稱聖亦稱顛張芝米芾相繼出遂覺格勢
大變非從前華亭老宗伯落筆何翩翩眾中自集一家
法學本人力資由天偶然放手撫寫天馬賦一斑窺豹
知其全人閒流落有此本幾逐市販同推遷昨來忽入
好事眼三百十字顆顆明珠圓傾囊倒篋可笑不自量
巧取或怵他人先腰纏十金一揮隨手盡世閒乃有此

種揚州仙還家但徒步不辦書畫船老僧傍觀歎且妬
謂此可直五十千大為得者長聲僧矐卷十倍增鮮妍
語聞張子恍然夫固是癡癡寧非賢君家向來收藏亦
已夥細入鍼孔思貫穿得無羨魚人徃徃猶臨淵去年
臥病九十日料理藥物供高眠頗聞典鬻及古玩何異
開閣散遣諸嬋娟故人傳與衛生訣撥棄嗜好年方延
性之所近終不化如噉石蜜甘中邊又如雅量暫止酒
麴車相遇口角仍流涎作詩相惱覷一擲寸鐵不用張
空拳豈知懷璧出閒道卷旗臥鼓有似刀藏鉛無端害
和乃到我野戰突上荒山巔謂我曾經閱此卷劇壘相

向師非偏我能爲汝成其輔頰舌使汝鉢腎刻肺飲食
夢寐中難捐書評髮髯舉大概虎跳鳳翥龍蜿蜒若將
墨寶比良劍也應光怪直射文星躔然而達人空自廣
美玉豈必收于闡貪多務得物斯聚富而可求吾亦爲
執鞭近來書畫大半入祕府居奇幾輩包裹充寅緣三
間茅屋配汝作清供書生習氣如此真堪憐猶復嘵嘵
引喙較得失物情什佰千萬胡相縣我於妙墨豈不好
只坐欲買羞澀囊無錢金奩玉軸所見不爲儉過眼瞥
爾心恬然必教一一盡己有天地何以生雲煙沉聞佛
法無我相試拈此句詰老禪滑稽代作解嘲語滿紙任

彊定有瀾翻篇翰攻儻許破堅壁正恐筆削爲無權嚴
詩花日編杜集能禁此客泯泯終無傳

飲十字坡茶菴

連岡踏成泥山骨似無石污池之所潑土亦水亦亦瓢
漿乃時需解渴聊飲血一飲不自持吁嗟遠行客

南陵早發

林淡葉密曉冥冥旭日初銜霧未醒小店門開惟土竈
一菴僧閉但茅亭袂從布穀聲中綠山向畫眉啼處青
獨與野樵爭路入偶逢釣叟覺魚腥

行經九華山麓欲登不果任可有詩戲次其韻

玉池瓣瓣蓮石角株株筍去天纔一握豈可尋又準一
百六青峰峰峰入吾眸終焉就埋沒雲霧諒不忍天如
憐詩人久被陰雨窘雖非鸞鶴姿稍異螭蟲蠢撥雲使
就道回馭控鞅刺我僕忽告勞徒効乃微哂平生汗漫
遊衰暮興易盡向來徒碌碌臨去猶惓惓寄語雲中人
塵寰終遠引佗年香案更名籍儻未泯

同年左子畏家上臣各有魚米之餉詩以報謝

裹飯初來似趁虛可能彈缺賦歸與故人館俸慚供米
久客江城愛食魚垂餌欲分鈎上粒勸餐恐有腹中書

頻年自識勞薪味指動無端忽累渠

僧房多鼠戲次青丘集中乞貓詩韻

物以黠著名其性故狡獪詩有穿墉譏史徵渡江怪兩
端持首尾同穴爭勝敗宵行競昨昨晝伏避噲噲飲河
恣取滿食首忽入隘寧拌五技窮官守一貪戒客來寓
閒院古佛同破解下榻地無多羣來擾我界迎貓古有
訓攫噬冀大快香積之魚養餘蔬雜饅餲公然掉尾去
竄瓦等歷塊坐長鼠輩驕法門幾大壞聲疑蝙蝠叫惡
甚蠅蚋噉齧綫袖旋穿污几經屢曬懶禪倒頭睡并少
沙彌誠龕燈半明滅慣伺神力憊主客滿堂中欺人盡
聾聩老夫非不聞恥與鬥機械逝將歌去汝鞍馬早可

鞠聊復忍斯須。敲眠發長噫。人間老吏多。斷獄豈盡賈
磔之肆階。下微命。直冲崩害。有大於斯。玄。膺法。猶懈豺
狼。問當道。此語堪下拜。

酬詩僧憶月

十日吟窗帳獨凭。不知同舍有詩僧。感深逆旅同為客
快比西南乍得朋。芳艸一簾花外磬。綠陰半榻雨中鐘。
從今復結尋山伴。我著芒屨爾擔簦。

登迎江寺塔同程佐衡作

江山本無窮。遠景域近見。凌空得古塔。覽勝斯獨擅。方
當冒勇登。寧計足力倦。一層一喘息。屢上屢回旋。漸覺

所歷高。團團目雙眩。大龍鱗甲動。掉尾曳匹練。東沈九
子煙。西掣五老電。日光盪浮氣。顯晦呈千變。何來萬斛
船。初若葉隨片。須臾到城下。鳧鴨依稀辨。應有舟中人。
回頭望雲巘。江心指倒影。了了識我面。多生幻妄緣。顛
倒徒自炫。不如且暫憩。萬象付虛眇。直作御風行。冷然
有餘善。

蘆洲行

江干積薪如列屋。巨艦乘來聯萬斛。天生此物充正供。
歲歲陳根發新綠。舊崩沙岸用未除。新漲荒洲報相續。
三年一丈久成例。增減何曾量盈縮。不知此課起何年。

坐待摧枯溼同來我聞王政有遺利數澤閒田聽樵牧
如今尺寸藉司農作備必由桑與卜踏地輪租爾勿慳
逃空那得出人間但看北雁知人意不敢銜蘆徑度關

遊小孤山二首

有序

大江經湖口縣合彭蠡之水達于皖口禹貢所謂中
江也小孤山屹立于其中當盤渦激湍之匯雖好事
者亦罕遊余過此數數矣至輒風濤間作丙子四月
杪從安慶泝江而上連遇西南風舟行濡滯五月戊
午黎明發喻家洲刑牲默禱須臾風止余竊喜曰登
山夙願也神其許我乎亟令楊人翦渡山形六面縣

峭惟西南一角橫石坡陀首受分派其下洞流可以
弭釋攀磴北上劣僅容趾凡百餘級入洞門折而東
鐵柱在焉稍西爲神女祠再上爲大士閣從神女祠
西北上兩傍峭壁中穿石罅如入螺殼中背東面西
已復折而北路盡一亭翼然行者必少憩以蘇喘息
然後躋絕頂焉山之巔遠而望之初若半圭已而如
拳如髻至此乃知其分而爲二也環而計之東西北
皆方南獨圓南北長二里許東西得三之一東麓距
岸約四里西麓僅三之一山之大概盡矣旣敘茲遊
之始末又綴以二詩夫有所感也

一綫長江直向東。可無奉石瓦當中。僧窗坐滿千颿日。
客棹來當五月風。筋力將衰酬夙願。波濤不拒賴神功。
山雲海市尋常事。敢擬韓蘇說感通。

烏道羊腸盡坦塗。身先僮僕作前驅。能為砥柱何妨小。
不箇羣山轉愛孤。江海一關留鎖鑰。金焦兩點闢門樞。

從詫萬口流傳誤。有許彭郎作配無。小孤山神之為女。郎不知始于何時。

歐陽公歸田錄稱小孤在水中。疑然獨立。淡譏轉孤為姑。為俚俗之譌。然東坡詩小姑前年嫁彭郎。則宋已前久承此譌矣。

秦郵道中即目

不知淫潦蓄城根。但看泥沙記水痕。去郭幾家猶傍柳。

邊淮一帶已無邨。長隄凍裂功難就。濁浪侵南勢易奔。
賤買河魚還廢箸。此中多少未招魂。

大道曲

荒雞聲逐月落早。行人出門看參昴。一條大道飛古塵。
歲歲何曾長春艸。我欲壘作山羊腸。九折爭躋攀我欲。
鑿成水洞人出沒。波濤裏直教馬無四足車輪方。此路
始應春艸長。

穀城山

東阿城東穀城趾。傳是仙家舊鄉里。圮橋老父果何人。
能致雷戾跪進履。兵書一卷既不傳。事往無徵正在山。

秦皇凶暴蔑聖賢。偶語詩書皆棄布。布衣起自泗上亭。
渡。溺。儒。冠。固。其。理。此。非。可。以。正。道。說。說。託。陰。符。自。茲。始。
竟。參。帷。幄。佐。奇。謀。躡。足。時。時。還。附。耳。大。蛇。中。斷。羣。雄。滅。
走。狗。旋。烹。舊。臣。或。舞。陽。活。自。女。嬃。偷。蕭。相。生。遭。獄。吏。恥。
子。房。遠。禍。益。有。道。直。視。封。侯。同。敬。徒。神。仙。之。說。誠。渺。茫。
有。託。而。逃。斯。隱。矣。陋。儒。讀。書。寡。深。識。異。事。人。人。徵。太。史。
後。來。競。指。黃。石。公。當。日。原。無。赤。松。子。山。光。一。片。向。人。青。
石。若。有。知。呼。可。起。

度紫谿嶺

渡橋正亭午。白日無匿景。微茫紫翠間。峭崿西南嶺。躋

攀力已殫。仰視猶半嶺。回風轉輕轡。汲我出溪井。茅菴
冠木末。快若衣振領。綠樹忽交陰。蒼然夫人影。坐來殊
氣候。濁暑遽清冷。息息行役心。佳處惜俄頃。

仙掌峰瀑布

接筍仙掌峰。入望初聯絲。兩崖呀然豁。一瀑垂蜿蜒。不
從仙翁指。閒出御穿左。脇下赴六曲。為奔川。行人衣露
芒。僑滑拄杖直上孤雲顛。崎嶇上前石。徑轉胡麻小澗。
當橋邊。尋源初自稻田發。三里五里斷復連。淺處生菖
蒲。深處得種菱。與蓮。千年老蟾蜍。祀沙亦頑仙。仰天喻
其舌。噴水一窟清而圓。始知山前雷轟激。千丈瀑布

水。即。是。山。背。涓。涓。泉。飽。身。便。向。道。人。借。我。懶。欲。住。清。涼。
天。
雨。中。下。黯。淡。灘。
未。到。先。愁。出。險。難。忽。驚。片。葉。落。弄。湍。星。流。雷。轉。日。未。曛。
一。道。白。光。飛。過。灘。

仙遊茅筆歌

羣。山。海。上。來。絡。繹。趨。九。仙。仙。翁。此。山。住。亦。夢。於。機。先。
九
祠。所。夢。山。中。老。樵。枕。石。眠。斧。柯。斷。爛。不。記。年。夢。中。鬢。髯。
最。靈。遇。神。授。筆。花。畫。吐。黃。芽。天。覺。來。信。手。縛。不。律。巧。被。筆。工。
偷。妙。術。遂。令。九。仙。祠。下。三。春。茅。用。與。雞。毛。鼠。須。匹。中。書。

免。冠。頭。不。禿。管。蒯。居。然。效。微。質。幸。染。一。束。僧。未。高。殿。頭。
簪。珥。非。汝。曹。若。教。朱。墨。官。盡。取。便。恐。仙。山。成。不。毛。君。不。
見。連。山。伐。竹。兔。拔。豪。鐵。梳。膠。綴。何。其。勞。穢。史。自。執。奸。吏。
操。直。與。此。輩。俱。錐。刀。老。夫。鈔。書。手。生。癩。怕。搨。人。間。管。城。
管。塗。雅。結。蚓。隨。爾。為。不。要。殘。年。護。吾。短。

高斯億為余畫竹以詩報之

畫。竹。原。從。艸。書。出。眼。中。孰。是。張。芝。筆。高。生。善。書。久。絕。倫。
餘。技。兼。為。竹。寫。真。自。言。亦。用。狂。艸。法。頗。覺。游。戲。能。通。神。
無。諸。城。中。少。修。竹。客。舍。連。旬。苦。炎。毒。賴。君。妙。手。補。化。工。
為。我。一。揮。終。十。幅。幅。終。擲。筆。風。雨。來。野。人。踈。爽。心。顏。開。

須臾雨止。墨光溼潤入紙背。生蒼苔。老龍蛻骨瘦。任彊
翠尾掉尾紛。縞。魏魄雄氣大。擊力壯。盡掃蕩。皆凡材。
忽然幻作鐵鉤鎖。世有誠。縣應識我。江南李圭作竹自
根及稍極小者二
鉤勒成謂之鐵鉤鎖。自渭川子畝。曾鬱蟠。放縱精微。無
云惟柳公權有此筆法。
不可文。湖州派。繼者難。後來獨推王孟端。人間多畫風。
中柳。東坡題文與可墨竹詩。柳
將春蚓筆畫作風中柳。珍重蕭郎十五竿。斯億
甚自秘重。故用
蕭悅事為比。

朝發竹崎。順風晚抵水口驛。

荔海南來得飽餐。此遊那更感無端。歸颿偶得東風便。
明日方知上水難。自北己上涼月一梳微帶暈。暗潮三

尺平炎方未。必無清景。貪向船頭坐。夜闌

逆風逆水歌戲呈竹垞

逆水彊。彊弩逆風簸。纒旗澀。灘怪石張頤。頤使我有卷
不敢拽。有篙不得施。但見北來船。乘流挂席。東南馳。我
欲問天天不可。問丈夫出處各有利鈍塞者。自塞通自
通造化。小兒遊戲中。解后兩相值。我適遭其窮。卻笑竹
垞老與我同舟。還遇風乃以我故。乘累翁翁今涉世。頗
知遇坐狎雷霆。如一噫我拍手翁和歌。人生大都逆境
多。順流豈遂無風波。

折紙灘去无溪縣
二十里

可憐九溪灘險於太行山羊腸九折有路尚可攀折紙
一折乃在疾雷震雷中央間高下既縣絕東西故彎環
上灘不易下更艱有生寄命脆如如搖手休輕過折紙

箭孔灘

銅牙發利矢未足喻其急小舟欲穿鍼孔入石級倒行
三十級彊弓寸寸彎不得羿發不中嗟何及束手號天
天雨泣

茶陽灘

大水大湘小水茶陽舟人口號謂水落時茶陽最險也互川塞路如牛
羊叱之不動乃是石波臣橫路千步岡當時大禹疏鑿

不到此漸長牙角勢莫當棄置九州外放流等投荒如
今郡縣關海外高於中道梗咽為民殃何人為剷除毋
令與水爭彊梁石言吾何辜水性本易怒請君看取淮
揚交正坐中流無砥柱

大小米灘

掀波成山石作底風平石出波瀾瀾秋天一碧雨新洗
大灘小灘如撒米

牛頭牛尾灘

牛頭彎稜稜牛尾直挺挺牛腰沒水五里長牛角雙雙
亞梳頂我聞淫預如馬戒舟航爾牛曷不服爾相又聞

刻石作犀鎮水怪爾牛胡敢恣爲害夜從宵戒飯朝就
巢。文。飲。或。養。或。豎。或。託。寢。客。過。灘。頭。亦。安。枕。

回龍渡

已窮三日程未盡西甌境晚煙投古渡歷歷見人影北
際仙霞關東走括蒼嶺中間小聚落百舍同一井結屋
溪菁中開田萬松頂年豐米價賤市散人聲靜野戍依
其傍孤鐙光耿耿雖無荷及役尚有擊柝警殘月夜未
生寥寥秋夜永勞生竟何事俛仰媿清景

鼠灘

五行紀異古垂戒銜尾渡江占鼠怪從來一穴可沈舟

爲禍於人豈在大張湯雖酷未盡除我今方鍊漢四疎
致。今。此。輩。繁。有。徒。詭。託。黠。狀。生。江。湖。安。得。秦。時。鞭。石。法
驅使浮沈逐駭鴨太倉溷廁從渠偷切莫飲水污清流

發浦城晚宿漁梁嶺下

城北城南叫鷓鴣似言前路極崎嶇回思習坎真輕命
頓覺升高是坦途戍壘防秋仍鼓角人家經亂久榛蕪
殘鐙影裏蕭蕭夕萬壘荒山客夢孤

度仙霞關題天雨菴壁

虎嘯猿啼萬壑哀北風吹雨過山來人從井底盤旋上
天向關門豁達開地險昔曾資劇賊時平誰敢說雄才

一茶好領閒僧意知是芒屨第幾回

峽口

初入階州界

矮屋荒邨岸浮橋亂水間船初通峽口路已入鄉關紅
斂初沈日青餘未了山沙田秋熟早牛更比人間

海塘謠

邑城去海十步遙塘為外杆非一朝去年八月塘忽壞
洲渾崩裂隨秋潮邇來沙漲三十里魚鼈殘生差可喜
縣官欲為先事防倡議重修從此始入輸一石名樂輸
石兮無脛何可驅編排既須照戶籍運致仍復煩丁夫
里符夜下朝必赴田卒污萊敢申訴菜塘杆海亦為民

此事不勞官長怒公旬三日古有之向竭力役誰所為

吾邑戶口十萬丁丑冬縣令王某人情已足遂游惰亦
忽盡除丁糧每田十畝代納一丁

與三農同怨咨火雲燒空日光赤盡遣山田龜兆拆陽
戾勸爾莫漫驕緩我塘工待農隙

荆州兄移寓嬾眠衲衲蘿落林亭頗饒幽致畱
余過夏歸計未成三章遣興并索西庄西齋共

和之

且喜全家住帝都未應回首憶江湖燕辭舊社三年主
雅乳新巢四月雛翁舍幾楹添曲折輕紗一面隔模餉
請看邨上王文度也愛將車入畫圖

位置榱桷。瑯闈庭除。小步得躋。攀心如井底。無波水。
雲。肖城頭。沒骨山。三徑未成。聊寄迹。一枝暫息。好投閒。
難拋載酒。聯吟伴。或恐花時。肯往還。兩株嘉樹。賦娑娑。老愛流光。靜裏過。淡入茶煙。新月上。
濃交碁局。綠陰多。葉聲敲枕。蒲蒲雨。簾影搖窗。瑟瑟波。
莫遣詩成。傳好事。和章祇許。共羊何。

景州董子祠

西風殘照。廣川城董相祠邊。感慨生官秩。稍增秦博士。
文章獨闢。漢西京醇儒。豈以科名重。濁世無如經術輕。
卻笑。武皇親制策。牧羊收豕。盡公卿。

蔣樹存招集繡谷交翠堂分得江成二韻

初來客欲迷。桃鵝久住君。堪比石淙繡谷。好風鶯嚙。嚙。
綠陰微雨。燕雙雙。一軍駭雅尊前壘。四壁溪山。畫裏窗。
芝艸坊名。吾舊識。不緣入座。始心降。

山堂昨日枉華絨

前一日令叔揚孫書來畱行

且緩歸程半日帆開

徑自來。原屬蔣。入林從此。又交感。來如獨雁。會求侶。飲。
似長鯨笑。立監記。取逃觴。多謬誤。淋漓酒汁。在青衫。

雨後獨行池上

誅茅斬竹。香無期。廢圃頭來。為此池。我與鷺鷥。同照影。
白頭相對。立多時。

觀无忘興祖騎驢戲作短歌

兒童生長便舟車眼中不辨驢與驢牽來信口以馬呼
上下左右須人扶一日駸駸防不虞兩日妥帖稍自如
三日脫轡膽氣麤趨捷意將誇老夫老夫年當三十餘
從軍遠走西南隅露青竹鞭生馬駒徑度鳥道如莊衢
豈知今來衰病俱髀肉消盡臂無膚前瞻後顧悔識塗
曷不歸去勤耕鋤看牛舐犢雞哺雛平生不識馬新息
據鞍矍鑠何其愚

南書房敬觀 宸翰恭記 十二首

咫尺丹霞映玉清
酥稜日射八窗明
忽聞風雨來天半

知是 君王落筆聲

霞蔚雲蒸露未乾
盡收造化入豪端
萬鈞腕力皆天授
欲補虞戈一筆難

擬玉泉山大閱二十韻

地闢丹棱沂天開裂帛湖連岡環北極列曜拱中區
鞞譯銷氛氣風雲蓄睿謨不忘神武略獨握帝王符
吉日將差馬先期已祭龜桓桓齊步伐肅肅選車徒
野曠金鉦轉沙平玉帳鋪一人躬鞞鞞九校勇馳驅
賊鶴知兵法龍蛇入陣圖雪光明組練寒律勁雕弧
憶昨三犁侯親征萬里逾行間走英衛麾下拔孫吳
捷伐聲

靈在韜鈴將相俱。詩人膺虎拜。士氣動山呼。振旅時方
暇。回鑾日未晡。殊威宣述土。同軌坦經涂。典禮因時
舉。機槍掃迹無。武功雖再繼。文德久覃敷。用過昭無外
周防戒不虞。煌煌太平業。磐石鞏皇都。

謝賜玻璃眼鏡二首

玉比晶瑩鏡比圓。一時披露覩青天。明珠吐暈泥沙外
燭火分光日月邊。名紙尚堪題細字。祕書仍許對新篇
此生視息真何幸。雙眼摩挲敵少年。

曾經隔霧看花後。老戀餘光盡主恩。

賦夜光木

積水生神木。俄登几案傍。四時無改火。五夜必騰光。近
映藜輝淡。遙分桂魄涼。頓教虛室白。臨卷勝螢囊。

寓園紫藤花同紫滄賦

不計千枝與萬枝。玲瓏巧透竹筵籬。圍屏倚翠成宮錦
步障留陰護紫絲。蔓引龍蛇皆上走。花披瓔珞總交垂。
家園手種應如臂。忍負東風爛熳吹。

移寓城南道院納涼

不信人間有鬱蒸。好風來處晚涼增。滿城鐘磬初生月。

隔水簾櫳漸吐燈書少只空高閣度牆低聊當曲闌憑
白頭道士休相避我已身如退院僧

曉經青石梁新開路

高入雲端僥作梁中間鑿石得康莊松聲落澗風泉合
藥氣浮山露艸香馬為重來成熟路人貪早度取微涼
詞臣例飽天廚膳已有中官候道傍

行經玲瓏山下

鑿開渾沌得玲瓏片石居然絕塞雄地肺想從巖竇貫入
天台信有石梁通風雲噓吸千尋表日月回環一竅中
莫怪經過屢回望佳名恰與故山同

余鄉餘杭縣亦有玲瓏山

重陽後十日入古北口

踏徧雲中雪外山敝裘重脫柳重攀黃花過節如迎客
朔雁先期已度關官馬散隨黃犢臥戍兵秋較老農閒
勞生屬有驅馳分默數三年六徃還

長清山行

攬轡趁殘更荒雞失次鳴巖霜升井氣落木走風聲礮
道衝沙聚山牆疊石成大都生癭俗磊塊總難平

抱犢詞

桃墟道中見一老叟抱黃犢騎驢而行戲作

東邨牛禍秋不熟別向邨西買黃犢買成抱上蹇驢騎
驢尾稀如翁鬢禿驢今馱翁復馱畜步步施鞭母乃酷

人情厚薄從古然。或加諸郗。或墜淵。

苑東移居與同年汪紫滄同寓紫滄有詩和答

三首
之二

近傍名園遠去郊。無多屋宇半編茅。春蠶慣作同功繅。

癸未以後借紫滄下榻自怡園社燕來尋舊識巢。所居為家聲山舊寓景與征衫

隨日換官隨手板。幾時拋下鄰。絕勝清漳宅。強駟相依

刺素交

茫茫人海此居停。萬斛風埃兩葉萍。艸色階除晴不掃。

槐影門扇晝長扃。同槽廐馬無蹏。蓄典謁家僮。互使令。

怪底羣情皆帖妥。多緣君與我忘形。

趙价人乞東籬詩戲贈

君不識陶公而乃號東籬。君又未識我來乞東籬。詩我

雖未識君尚幸生。同時陶生千載上。知我與君誰譬。如

夢中人。此夢非彼知。形開神或合。閉目若見之。孰謂淵

明心與君不相期。古人尚如此。今人復何疑。

李普山招集聖安寺納涼得火字

百強之長人為羸。熱屬欲逃無計可。況當九陌鬱蒸天。

萬甌煙騰塵垢深。連晨喜赴遠坊招。似翼辭茲鏃隨寄。

聖安古寺洵幽寂。湖柳却荒尤僻左。主人未到但居僧。

眾客後來先揖我。是日余最先到初除鼠迹布禪榻。旋掃蛛窠

開殿鎖槐榆蒼翠滴苔磚鬼物青紅填粉珠黃金鑄橘
南曦斂空穴來聲土囊吹須臾雜沓復其齋集餽餉駢羅
肴核夥臨淄揮汗河朝豪物外無炎安用躲平生曾授
楞嚴偈欲賦蘭臺愁久輟一官涉世馬加銜十緒縈身
蠶自裹動搖煖觸互起滅煩惱清涼遮吹蕪稍知水釋
還成水不道風生卻從火悟來性火本真空透過風輪
乃初果以上六句皆本首楞嚴經語何人可語清淨邊此地差堪盤
礴裸偶因趁伴作良遊依舊觀心同晏坐自然熱毒無
罅入更怕虛空有堆埒好音到耳微雨來清景回頭夕
陽墮明朝俛仰便陳迹閒處知經幾喧歌野人好涼兼

好靜夙畏浮名今亦頗打鐘埽地結願存莫遣新詩浪
傳播

次韻荅周漁璜前輩見寄

結習多生未易捐得公投向喜足然遠山擁髻潭如鏡
秋水平階屋似船已外形骸猶有夢不離文字豈能禪
來詩云詩人垂老例參禪祇應借佛論詩境何法真超色界天時以拙案

種藤歌為周桐楷前輩賦

吾聞管子云十年計樹木稍欲望成陰寧須校蓬速君
言美蔭青目前疇能鬱鬱待十年兩株柔木手交植意

取引架遮炎天插竹扶持工乍畢玲瓏未駟龍蛇質綠
痕。幕作薜荔牆不與先生障。西日盈池。澗水置庭細
鱗戩戩多于萍碧天。倒影落萬丈夜久勺涌三五星。此
間霞坐差不惡。翻怕團團葉垂幕。放梢何日過鄰家。畱
待春風看瓔珞。家德尹潤木兩弟先後
畱居皆與先生比鄰

塔鈴聲

和汪紫蒼百聲
詩四首之一

三災鶻過書沈沈。窣堵波高蘭若深。已向池中縣倒影
又從天外落清音。石如解聽無生話。風豈能搖久定心。
若問此聲何起滅。本來無縫杳難尋。

春風次院長韻

又隨步履散今朝。紫陌微微去轉遙。頗訝渡河水易泮。
不知吹鬢雪難消。南枝暗放參差葉。東面偷迎宛轉條。
二十四番誰管領。等閒聽過賣餠簫。

余自甲申春寓城南道院丙戌十一月請假暫
歸戊子三月抵都重館于此己丑上巳前一日
將移居宣武門外臨行題壁

三閭古觀稱羈棲。五見空梁燕補泥。欲去每教僮灑掃
再來猶認客畱題。壁間有同年
王方若題句飛鴻印雪原無迹。倦馬
辭槽又一嘶。怪底老懷殊戀戀。西山多在短牆西。

十月望後前輩周桐塹同年王樓邨雨中過槐

暮看菊畱小飲明日桐菊以詩見投次原韻二

首

老瓦盆中花畱本上斜街裏屋三間眼前此景殊不俗
輦下幾人能愛間我已掀泥除蘚徑客方冒雨扣柴關
寒林瘦竹蕭蕭意著片疎籬即故山

土銼無煙硯欲冰一歡解后得何曾詩如老將渾無敵
花到殘年亦少朋紙閣畱香清四壁畫屏肖影澹孤燈
直饒酒酸難拋在未敢多邀入社僧

盆中新種幽蘭忽吐一花病枕喜作十二韻

本艸譜因藥白來偶種蘭近根微取潤培土最宜乾愛

護新芽茁爬梳舊葉完連朝風習習昨夜露溥溥笑口

欣將圻花頭側未安一尖長計寸五出辭成單靜女晨

妝淡幽人翠裏寒香來殊不意夢好卻無端客有逢知

賦周弘讓山蘭賦吾方擬操彈當門誰免忌入室雅相

參鼻芬何與椒蘭芬苴所以養同心契漸難祇應賢

子弟佳氣滿門闌時德尹潤木信安

獨坐聞孤雁

風急天高片月孤水圍初脫尚驚呼是日行在菰蔣幸

有單棲處莫入羣中更作奴

同年王樓却嘗夢至一處梅花滿庭有一老人

杖而入以杖數樹云此十三本以付汝汝若飢
時但喫梅花便是神仙地位也覺而屬禹司宥
慎齋畫十三本梅花書屋圖壬辰四月樓邨官
罷將出都以圖索句作歌贈之

鴻臚禹子持好奇聞人說夢乃畫之寒梅繞屋十三本
一一著花無醜枝問渠此屋在何許異境云是華胥移
龐安丈人野鶴姿指樹付汝汝不辭啣花可使食無肉
仙者得之能療飢覺來官舍冰雪冷滿林寂寂香風吹
君家汎光湖水渚柳繁梅少地苦卑買栽開徑良不易
梅信故與高寒空然而畫彙出神授何必遠問孤山爲

但愁書多無屋貯莫歎樹小看花逢浮生所遇率假合
刹那劫比阿僧祇幻中生幻想非想身外有身知不知
君今罷官歸有期蓬蓬形開夢者誰詩成擲筆吾自哂
區區說夢何其癡

雨後觀芍藥再呈院長

夜來微雨曉來風多爲階前芍藥叢豔色可將何物比
賞心聊與故人同遲開分落羣芳後獨秀慚居萬綠中
莫以將離煩折贈此花不稱白頭翁

鶴卯次院長韻

四生一墮想緣溪陽鳥獲棲只在陰遺種也憐同羽族

託胎誰信有仙禽。雲霄已具初生質。渾沌猶全未鑿心。
他日長鳴聽子和。勿將崖巖比淳音。
蘇明允詩崖巖合淳音

題王石谷杏花春雨圖

溪光汎汎山濛濛。杏花十里五里紅。此時江南新雨足。
農事未起春方中。我愧不如把釣翁。小舟閒泊菖蒲叢。
又愧不如北首童。騎牛踏徧却西東。無端乃被一官縛。
坐令畫圖之景到眼成。虛空還渠自向高堂挂。報我歸
期行也。屈但吟。初白老翁詩。何必耕煙散人畫。

徐悲鴻客有笑余乘驢車者賦此畲之

遇酒逢花便出遊。蹉跎一尺駕輕舟。泥塗安穩借僮僕

灰洞馳驅讓馬牛。得免徒行猶有愧。曼亭先路欲何求。
穴官只算騎驢客。老向天衢閱八騮。

殘冬假病榻消寒十六首之一

臥看星回晷。景移流光冉冉與。衰期入言官。海藏身易。
自笑生涯見事遲。夜似小年寒漸信。病非一日老方知。
惟餘尊菜思歸興。早在秋風未起時。

題莊書田笠後換梅圖

杜家亦有笠。謝家亦有屐。何必看山翁。區區擬其迹。身
挾冰雪骨。曾貯冰雪文。但遇梅花開。入山尋白雲。白雪
舊在題詩處。畫裏溪山能久住。君今笠屐且閒拋。借與

歸人作遊具

有。詔於金州衛立水師營。即以海賊之新就
撫者充其弁伍。州野迂儒無從獻末議。漫紀十

六韻

詔設金州戍。今爲要害城。水軍嚴約束。海寇戢縱橫。控
險非榆塞。分屯異柳營。渠魁推作帥。丁壯籍爲兵。甫脫
檻車囚。還加鞶帶榮。戰船齊魯給。餽餉薊遼并。貫罪
恩良重。優降事不輕。波濤通外國。帶礪近陪京。欲以招
餘黨。因之息遠征。睿謀虛聽受。廷議集公卿。實指綢
繆計。俄聞贊畫成。聚蛇爲窟穴。圍虎傍茨荆。鷹眼終難

化狼心。故自獍徒戎。空有論賞賊。似無名世孰。防身翼
人方恃太平。區區誠過慮。笑爾一鱗生。

從東山大悲閣步上南山道院

北山南一徑。通又從紺宇叩琳宮。千年樹老根穿石
百尺梯危勢轉空。上界神仙風肅肅。下方樓閣雨濛濛。
羽人何福能消受。長在晨霏夕靄中。

座主許公別後寄示七律二章敘連日山遊之

樂再次來韻

溪山佳處榻長懸。暇日追陪樂境偏。靈運賦中行采藥
康衢歌裏看耕田。厭逢俗客談時事。閒與鄉人結善緣。

雨笠風襟無恙在畫圖容易著神仙

茫茫宦海闊無邊幾見虛舟濟巨川
退步始知原有地
掉頭誰信不關天
高入入社同招隱
大老還鄉例好禪
得御藍輿吾竊幸
乞身多及太平年

庭前新設日棚

奇峯突兀升晨暮
幻狀羣來燭我室
火令方用壯誰
能待涼秋坐受驕
陽亢貧家愛惜費
奇計役心匠架木
于中應從乾取巽
向宅經云從乾向巽譜入陰
東西牆所限南北稍
通望剖竹以為椽
縛繩乃施帳卷舒
一夫力自我搆新
樣天亦無如何
居然聽人抗片雲
風不散赤日走其上

但覺晝景長焉知炎勢王
解衣盤礴臥客至蒙見諒憶
昨危從年彘軀味自量
跨鞍五六月萬竈逐焚湯
渴飲道傷形神聊一暢
勞筋誓永息疲馬就閒放
迹遠倦驅馳情孤愜宜當
青藍十幅布氣壓錦步障
即事不願餘休陰獲微尚

六月廿二夜熱不寐能五更起步庭下
袞裯到曉

夜熱不成眠展轉達五更
開門上殘月適與微風迎
大火將西流銀河去無聲
林亭散疎影露華涵虛明
夢夢羽蟲飛嗒嗒雞鳴身
如閒艸木受此旦氣清

雨後遣興

秋田一雨洗萌芽餘潤還霑學圃家苦竹鞭抽行地筍
戎葵梢放出牆花身憂天下原非分老覺浮生亦有涯
野色開門無客叩夕陽影裏數歸雅

立冬後二日座主宗伯公偕晚研梅溪狂過邨

舍次日移榻妙果山房再遊菩提寺得詩四首

乾鵲聲中客款門畫船銜尾泊蘿根埽除黃菊荒蕪徑
映帶丹楓襪襪邨半月先期傳父老一家喜氣到兒孫

海山不盡東南望登陟應須次第論

桑榆餘暖在田廬初約重尋幸不虛行處聚觀傾里巷
有時問答及樵漁能文客到先投句時徐觀卿至自好
玉峯詩先成

事僧來盡乞書晚研工書所
至稽素堆案寄語同朝諸大老莫將八

座傲縣車

招提遊更招提宿四五人添八九人時許伯覲馬街齋
果山法師俱入座

承念兩
亦侍行自有此山無此會勿論誰主復誰賓靈泉怪

石供幽賞煦日和風應小春知是他生緣境在每逢佳

處輒逡巡

流光已付陶甄外世味多消朴率中省對梓筵慚地主

免教冠蓋炫鄰翁熊羆起渭嗔何晚蟋蟀歌唐儉可風

報答朝恩還有處白頭相見祝年豐

曾濟蒼遠致秋蘭一本重陽前試花寄詩報之

廣文能好事。貽我婺州蘭。不共三春賞。翻從九日看。同
心。如。爾。少。獨。立。後。時。難。待。作。幽。人。佩。清。香。可。耐。寒。

過前輩梁蘭亭故居

風流雲散兩茫然。轉瞬前遊十五年。癸未春余入館先生散館獨客
遠來明舊少。貧官沒後子孫賢。賢買鄰古有千金語。道豪
今為萬口傳。話到五文空廣絕。西華葛屐復誰憐。

謁南海神祠

姚侯遺我遊黃灣。激江一道晴無瀾。黃昏到岸天色變
徹夜震撼號驚湍。平明謁海神。雲氣解駁光斑斕。殿中
擊銅鼓。聲落海外迎潮還。巡檐繞廊看古碣。手剔碧蘚

青苔斑。或鼓或什或此。立萬角劇殺形模殘。煌煌御
書碑。迥出唐宋元明間。浴日亭孤表其右。七十二級直
上窮。躋攀不知博桑出地幾千丈。頓覺東西南北四望
無遮攔。鯨龍吐珠蛟散涎。陽烏擊水鼉移山。祝融分位
當炎躔。萬象呈露秋豪端。紫霞紅浪上下雨。摩盪中有
萬點風。檣竿星流電掣到廟下。一一椎髻垂花鬘。吾
皇膏澤被百蠻。遠人畢至適自安。自從計臣握算變新
法。鹽筴纖悉多歸官。廣川大澤禁漁獵。網漏魚鼈羣生
慳。問神受封今幾代。蒿目豈不知時艱。國家大事必
祭告。謂是正直無欺護幽明。胥蠻一氣旋憂樂。當與民

相。關。曷。不。州。綠。章。為。民。請。命。思。立。殞。但。使。方。隅。獲。靈。
山。海。利。神。亦。坐。享。血。食。無。慚。顏。

清涼山莊圖王符躬屬題

舍人示我山莊圖。生綃橫展五丈餘。良工三年寫始就。
金谷輞川何足摹。君家舊住清涼麓。萬里長江入暇矚。
故應曾次豁然開。占斷此山猶未足。石頭城門平旦開。
千巖暖翠排空來。珊瑚碧樹好顏色。照耀初日生樓臺。
樓臺下無重數徑。轉溪回總迷路。標題一一都有名。
豪末微茫指其處。問君結念母已奢。洞天福地歸一家。
清成奚啻萬金產。還恐山林迹尚賒。君言好事皆虛事。

架。構。良。難。畫。差。易。未。能。依。樣。買。園。亭。乍。可。隨。身。蓄。巾。筓。
海。山。兜。率。吾。不。知。此。圖。要。亦。人。間。稀。神。僊。只。被。瑤。京。誤。
海。鶴。何。天。不。可。飛。

止月晦日喜雨用中丞見示原韻卽以志別

風。花。半。落。經。春。暖。雷。雨。初。來。送。曉。寒。農。事。相。關。公。最。喜。
物。情。不。隔。我。同。歡。雞。鳴。如。晦。方。懷。友。蠅。鬧。何。知。豈。為。官。
借。取。一。篙。清。漲。水。野。夫。歸。欲。濯。塵。冠。

題上官竹莊羅浮山圖

大。瀛。海。外。有。十。洲。巨。壑。不。上。龍。伯。鈞。何。年。背。負。蓬。島。至。
兩。山。合。一。成。羅。浮。奇。峰。三。百。三。十。二。一。豈。易。窮。冥。搜。

眼中孰是好奇者上官山人今虎頭山人欲為山寫照
直上崔嵬走飢飢朱明古洞華首臺佳處真能領其要
歸來繪作指掌圖萬象攝入摩尼珠綠毛鳳挂佛子髻
五色蜃化仙人裾我方神遊力不足為爾題詩展橫幅
正緣身不在山中識得羅浮真面目

靈渠行

瀉瀧下走三百灘上流何至一掬慳瀧源濫觴乃在此
七十重巒復巒此渠鑿自漢史祿初僅能通不能蓄
迨唐觀察李濬之添設陡門三十六石槽石斛升斗儲
一門典守用兩夫鐮隄前啟後下板修綬汲船如轉轆

雷轟雷掣飛一綫盈縮直從呼喻變官船銜尾客船停
那得人人與方便勸君小泊底須愁不過多為半日雷

平生恥共人爭路况有林巒慰勝遊陡中巖地絕佳

夜泊鐮背伏波祠下湘灘二水分流處

伏波祠廟枕江清湘北灘南兩派分明月滿船天在水
蒼梧回首萬重雲

